







爾雅正義卷第十八

文淵閣校理翰林院編修加二級教習庶吉士充國史館纂修官邵晉涵撰

釋鳥第十七

正義左氏昭十七年傳鄭子述少皞

師而鳥名尚書獨載堯以來而少皞設官之制五鳩五雉九扈爾雅分釋其名所謂書闕有間其軼時見於他說也上古聖王觀鳥獸之文與地之宜以通神明之德以類萬物之情故羽畎夏翟陽鳥攸居禹貢以徽庶物而鳥鼠同穴遂以名其山焉大司徒土會之法止陵其動物宜羽物鄭康成以羽物為翟雉之屬庖人辨六禽之名鄭司農以鴈鶉鷓雉鳩為六禽也養鳥者為掌畜羅鳥者為羅氏射鳥者為射鳥氏去天鳥者為翬氏翬蕨氏其羽則入於羽人是古入於鳥之名物辨之特詳說文云鳥長尾禽總名也雉鳥之短尾總名也此篇所釋兼長尾短

尾而言之併及於蝙蝠者夏小正云凡有翼者為鳥也鼯鼠為鼠類而亦及之者以其能飛是

亦鳥之類也

佳其鳩

註

今鴉鳩

鳥也

正義

釋鳥首言鳩者以其為孝

年傳謂之祝鳩說文云雛祝鳩也孔疏引樊光曰春秋云祝鳩氏司徒祝鳩即佳其夫不孝故為司徒蓋以夫不之鳥為孝鳥故以為五鳩之首杜預亦云祝鳩鶴鳩也鷦鳩孝故為司徒主教民也小雅四牡云翩翩者騅毛傳騅夫不也鄭箋云夫不鳥之慤謹者人皆愛之案四牡以勞使臣其辭曰不遑將父不遑將母故詩人取興於雛以慰其思琴操謂孝子見鳩與母俱飛鳴相哺食感恩作歌其猶四牡詩人之意與鳩鴉當從毛傳作夫不今鴉鳩也詩疏引舍人云雛引舍人云佳一名夫不今楚鳩也詩疏引舍人云雛名其夫不李巡云夫不一名雛今楚鳩也某氏引秋云祝鳩氏司徒祝鳩雛夫不孝故為司徒詩疏

引某氏註即左傳疏所引樊光註也郭云今鴉鳩者
詩疏引作今鴉鳩也左傳疏引郭註與今本同鴉
聲相近今人又謂之鴉鳩南有嘉魚毛傳云鴉宿
之鳥鄭箋云壹宿者壹意於其所宿之木也今鴉
栖息有定所俗語謾則曰鴉鳩定矣鴉鳩似班鳩而
臆無繡采拙於營巢俗以為將雨逐其雌雨止則呼
而反之也詩疏引陸璣疏云今小鳩也一名鴉鳩幽
州人或謂之鴉鳩梁宋之間謂之佳揚州人亦然陸
疏畧本方言然方言以鴉
鳩鴉鳩為一鳥則非也

鷓鴣

似山鷓而小短尾青黑色多聲今江東亦

呼為鷓鴣

正義左傳云鷓鴣氏司事者也疏引舍人云鷓鴣一名鷓鴣今之班鷓也樊光曰春

秋云鷓鴣氏司事春來冬去孫炎云鷓鴣一名鳴鳩
夏小正云三月鳴鳩言始相命也先鳴而後鳩何也

鳴者鳩而後知其鳩也月令云鳴鳩拂其羽太平御
覽引蔡邕章句云鷓鴣也為先是時鳴故稱鳴鳩拂

猶搏也陽氣所感故搏羽小雅小宛云宛彼鳴鳩毛
 傳宛小貌鳩鳴鳩雕釋文引字林云鶻鶻小種鳩也
 毛詩草木疏云班鳩也杜陽人謂之班佳案鶻鶻為
 司事之鳥故杜預左傳註亦以為春來冬去若班鳩
 則四時有之是鶻鶻非班鳩也
 禮記疏引郭景純云鶻音九物反鶻音嘲後世即
 謂之鶻嘲矣玉篇云鶻似鳥而小黑色本於郭註也
 鶻鳩好以春月鳴其聲連屬如相貫故郭以為多聲
 離騷云雄鳩之鳴逝兮予猶惡其佻巧雄鳩即鶻鳩
 惡之者以其多聲也莊子謂之鶻鳩釋文引司馬彪
 註鶻鳩小鳩也崔譔註鶻讀為滑滑鳩一名滑雕李
 願註鶻雕也案杜預左傳註亦以鶻鳩為鶻雕與毛
 傳同皆因字形相涉而誤分為二名也古文周作舟
 或省作舟大東鄭箋云舟當作周考工記註云故書
 舟作周是周舟二字相溷从鳥从佳
 或相通用故鶻鶻傳寫作鶻雕矣

鶻鶻鶻鶻

註

今之布穀也江東呼為獲穀

義

鶻鶻一
名鶻鶻說文

作枯籜尸鳩因鳴聲以命名凡聲近之字俱可通也
鳴鳩有均一之德而無營巢之智能隨時以變化故
古者以命官後世以為農驗焉左傳疏引樊光曰春
秋云鳴鳩氏司空心平均故為司空曹風云鳴鳩在
桑其子七兮毛傳鳴鳩枯鞠也鳴鳩之養其子朝從
上下暮從下上平均如一杜預左傳註云鳴鳩均壹也
也鳴鳩平均故為司空平水土是言其德之均壹也
召南云維鵲有巢維鳩居之毛傳云鳴鳩枯鞠也
鳴鳩不自為巢居鵲之成巢鄭箋云鳴鳩因鵲成巢
而居有之而有均壹之德此言其性之拙鄭箋兼言
其德也夏小正云正月鷹則為鳩五月鳩為鷹傳云
鷹也者其殺之時也鳩也者非其殺之時也善變而
之仁也故其言之也曰則盡其辭也鳩為鷹變而之
不仁也故不盡其辭也月令仲春之月鷹化為鳩鄭
註云鳩搏殺也高誘呂氏春秋註云鷹化為鳩喙正
直不鷲擊也鳩蓋布穀鳥列子天瑞篇云鷓之為鷓
鷓之為布穀布穀又復為鷓也此言其因時以變化
也正今之至獲穀。○正義布穀獲穀皆聲之轉故鄭

康成又謂之搏穀月令疏云布搏聲相近謂之搏穀以聲呼之或以為此鳥鳴布種其穀云詩疏引陸璣疏云一名擊穀陳藏器本草云亦名郭公北人名撥穀皆聲之轉也今布穀以穀雨後鳴農家聞其聲以趣東作矣左傳疏引孫炎曰方言云鳴鳩自關而東謂之戴勝後漢書註亦以布穀為戴勝蓋本於方言今案鳩鳩戴勝自為二鳥太平御覽引陸璣疏云今梁宋之間謂布穀為鳩鳩一名桑鳩是則布穀非戴勝矣詩疏引謝氏云布穀類也諸說皆未詳布穀者近得之

鷓鴣

註

小黑鳥鳴白呼江東名為烏白

正義

鷓鴣一名鷓鴣

淮南說林訓云烏力勝日而服於離禮高誘註云烏在日中而見故曰勝日服猶畏也離禮爾雅禛笠秦人謂之祀祝聞蠶時晨鳴人舍者鴻鳥皆畏之案高誘所見爾雅本鷓鴣作禛笠故引以釋淮南之離禮後世謂之批頰因聲近而訛也

註 小黑至鳥曰

釋文 云曰木作鳴玉篇云鳥鳴似鳩有冠羅願云

今鷓鴣小於鳥而逐鳥荆楚歲時記亦稱四月有鳥如鳥鴻先雞而鳴聲云加格加格民候此鳥鳴則入田以為催人犁格也亦引爾雅鳥鳴即鵝鳩案羅願以鷓鴣即鳥鳴是矣又以為即祝鳩非也

鷓鴣王鷓

註

鷓鴣類今江東呼之為鷓好江渚山邊食

魚毛詩傳曰鳥擊而有別

正義

左傳疏引李巡云王雉一名鷓鴣周南云關關

雉鴣後漢書註引薛夫子韓詩章句云詩人言雉鴣貞潔以聲相求必於河之洲隱蔽無人之處蓋詩人

起興唯取其鳴聲之和故釋詁云關關音聲和也淮南泰族訓亦云關雉與於鳥而君子美之者為其雌

雄之不乖居也然王雉實為鷓鴣左氏昭十七年傳云雉鴣氏司馬也杜預註云王鷓也鷓而有別故為

司馬主法制此取其力能鷓擊與詩義各有當也**註**鷓類至有別**正義**鷓類者說文云白鷓王雉也詩

疏引陸璣疏云雉鴣大小如鷓深目日上骨露幽州人謂之鷓而楊雄許慎皆曰白鷓似鷓尾上白是為

雕之類也今江東呼之為鸚者史記正義云王雎金
口鸚也好在江渚山邊食魚者詩疏引郭註作好
江邊泚中亦食魚左傳疏所引與今本同今鸚鳥能
翱翔水上捕魚而食後世謂之魚鷹其鳴緩而和順
與白鷺相似而色蒼非即白鷺也郭又引毛傳者即關雎傳文

鵠

今江東呼鵠為鵠鵠亦謂之鵠鵠正義鵠

鵠即下文所謂怪鵠也詳見下文鵠當從說文作雉
釋文云鵠鵠本亦作忌欺正義今江至鵠鵠正義衆
經音義引爾雅鵠忌欺郭璞曰今江東呼鵠為忌
欺亦謂之鉤鵠與今本微異又引舍人云謂鵠鵠也
南陽名鉤鵠又作格其鳥晝伏夜行為怪也

鴻

未詳正義此與東方之雉同名而殊類也

鳩

天狗正義小鳥也青似翠食魚江東呼為水狗正義說文云鳩

天狗也羅願云此鳥穴土為巢其喙皆紅項下白今人謂之翠碧鳥又謂之魚狗或曰小者名魚狗大者名翠奴亦有斑白者俱能水上取魚其尾亦可為飾

鸚

註

大如鸚雀色似鸚好高飛作聲今江東名之

曰天鸚音綢繆

正義 鸚一名天鸚釋文云鸚說文作齋今本說文作鸚天鸚也蓋傳寫之

訛當從釋文木作齋此鳥直刺上飛而鳴聲相屬後人謂即告天鳥蓋不誤也 **註** 大如至綢繆 **正義** 此

與雉之暮子同名故為別其形狀也音綢繆者猶云音綢繆之繆

鸚

註

今之野鸚

正義 說文云鸚鸚鸚也是鸚一名鸚鸚鸚當作鸚玉篇云鸚鸚野鸚

也則又以鸚鸚二字連讀矣郭註子虛賦云鸚鸚野鸚也玉篇云鸚鸚雁屬是也

鸚

註

今呼鸚鸚

正義 鸚一名鸚鸚通卦驗云雨水鸚鸚鳴鸚知持之鳥也史記正義

引司馬彪云鶴似雁而黑鳥之高飛者難弋故列子
 湯問篇以蒲旦子連雙鶴於青雲之際為中雋矣說
 文云鵠麋鵠也玉篇作鵠鵠音今呼鶴鵠○**正義**顏
 師古漢書註云鶴鵠今關西呼為鵠鹿山東通謂之
 鶴鄙俗名為錯落錯落者亦言鳴聲之急耳又謂鵠
 捋鵠捋鵠鹿皆象其鳴聲也案酉陽雜俎引裴瑜爾
 雅註云是九頭鳥案九頭之鳥即廣韻引韓
 詩謂孔子渡江所見者乃奇鶴非麋鵠也

鵠鳥鷗註

水鳥也似鵠而短頸腹翅紫白背上綠色江

東呼鳥鷗

正義說文云鵠鳥鷗也鷗與鷗同工篇云
 鵠鳥鷗水鳥也註水鳥至鳥鷗○**正義**說

文繫傳及廣韻俱木郭註為義鷗者白孔六帖引三
 倉云鷗鳥高飛似雁目相擊而孕吐而生子其色蒼

白鳥鷗
 似之也

舒鴈鵠註

禮記曰出如舒鴈今江東呼鴈舒鳧鷗註鴈

也 **正義** 說文云鴈鵝也从鳥人广聲與鴻雁之雁从

佳者有別說文又云鷺舒鳧也二者為常畜之禽

故連釋之內則記不食之物曰舒鴈翠舒鳧翠翠者

尾肉也舒鴈舒鳧皆可以供養老者所不食者其尾

肉耳夏官掌畜掌養鳥而阜蕃教擾之鄭註云鳥之

可養使盛大蕃息者謂鵝鷺之屬是鵝鷺得為鳥也

○舒為鵝○禮記疏引李巡云野曰鴈家曰鷺案爾

雅以為釋舒鴈不應以在野在家而異其名眾經音

義引孫炎云鷺一名舒鴈禮記疏又引孫炎云在野

舒翼飛遠者為鷺是也莊子山木篇云命豎子殺鴈

而烹之即家畜之鷺矣○舒鳧○禮記疏引舍人

李巡云鳧家鴨名也鷺野鴨名也某氏子為野舒飛

遠者為鳧大宗伯以禽作六摯庶人執鷺鄭註云鷺
取其不飛遷象庶人安土重遷也曲禮云廣人之摯
匹鄭註云舊說匹讀為鷺淮南地形訓云食水者善
游能寒高誘以為鷺之屬矣左傳疏云謂之舒者家
養馴不畏人故飛行遲別野名耳其為鷺一也 **禮**
記至呼鷺○ **正義** 出如舒鴈聘禮記文今江東呼鷺

者方言云鴈自關而東謂之鴨鶩南楚之外謂之鶩或謂之鶩鳴郭氏彼註云今江東通呼為鴨說文云

鴨鶩也

鴝鵒

註

似鳧脚高毛冠江東人家養之以厭火災

正義

說文云鴝鵒鵒也夏官職方氏揚州宜鳥獸鄭註云鳥獸孔雀鸞鵒鵒犀象之屬鵒雖小鳥而羽毛可以為飾故與孔雀鸞鳥同為珍禽矣上林誠謂之交精註似鳧至火災○**正義**玉篇云鵒鵒似鵒太平御覽引異物志云鵒鵒巢於高樹顛生子未能飛皆銜其母翼下地飲食後世養鵒鵒者多於池渠以其為水禽故云以厭火災

輿鴝鵒

註

未詳

正義

玉篇云輿鴝鵒又云鴝鵒也鴝鵒鴝鳥喙蛇尾也疑本爾雅之舊說

鶉鴝

註

今之鶉鴝也好羣也註水食魚故名洿澤俗

呼之爲淘河

正義詩疏引舍人云鵝一名鵝鵝說文云鵝胡汚澤也鵝或作鵝曹風侯人云

維鵝在梁不濡其翼毛傳鵝洿澤鳥也梁水中之梁鵝在梁可謂不濡其翼乎鄭箋云鵝在梁當濡其翼

而不濡者非其常也鄭註表記亦云汚澤善居泥水之中鵝鵝食魚故莊子外物篇云魚不畏網而畏鵝

鵝又能竭池水故淮南齊俗訓云鵝胡飲水數斗而不足漢書五行志云鵝鵝即汙澤也或曰禿鶖顏師

古云即汚澤也**註**今之至淘河。**正義**詩疏引陸璣疏云鵝水鳥形如鵝而極大喙長尺餘直而廣口中

正赤頰下胡大如數升囊若小澤中有魚便羣共杼水滿其胡而棄之令水竭盡魚在陸地乃共食之故曰淘

河又郭註東山經云今鵝鵝足頗似人脚形狀也禮記疏引郭註作沈於水詩疏引郭註與今本同

翰天雞

註鶡雞赤羽逸周書曰文翰若彩雞成王時蜀

人獻之

正義一名天雞雉之類也說文云翰天雞赤羽也一名鷓風又云鶡雞肥鶡音者也魯

郊以丹雞祝日以斯翰音赤羽去魯侯之咎案天雞為丹雞魯郊用之則非希有者矣

正義逸周書王會篇云蜀人以文翰文翰者若翬雉

孔見註云鳥有文彩者臯雉似鳧冀州謂之澤特也

臯一作皇釋文引樊光云

翰一名山雞非郭義也

鷺山鵲

說文

似鵲而有文彩長尾背脚赤

正義

說文云鷺

鳥也鷺或作翟繫傳以為亦猶猩猩知人往事也禮

射鵲鵲即此也淮南汜論訓云乾鵲知來而不知往

高誘註云乾鵲鵲也人將有來事憂喜之徵則鳴知

歲多風多巢於木枝人皆探其卵賈公彥周禮疏亦

以鵲為山鵲案鵲為乾鵲山鵲為鵲之類舊說謂鵲

即山鵲非也**正義**以鵲至脚赤**正義**乾鵲大如雅而

長尾銳喙黑爪緣背白腹山鵲則似鵲而有文采

與足俱赤尾長不能遠飛山中人諺云朝鷺叫晴暮

鷺叫雨故說文以為知來事鳥

鷓負雀

註

鷓鷓也江東呼之為鷓善捉雀因名云

正義 鷓能

攫雀故亦名負雀玉篇云鷓鷓也藝文類聚引詩義疏云隼鷓也齊人謂之題肩或曰雀鷹春分化為布

穀此屬數種皆為隼說文云鷓鷓鳥也廣雅云籠脫鷓也

鷓齒文

註

未詳

鷓鷓老

註

鷓鷓也俗呼為癡鳥

正義

鷓一名鷓老左傳疏云舍人李巡孫炎郭

氏皆斷老上屬寫下屬解云鷓一名鷓老寫一名鷓鳩雀也唯樊光斷鷓鷓為句以老下屬案諸家釋九

扈之名者俱有老寫不獨樊光也然說文云鷓欺老也又云老寫鷓是則鷓老之名其來已久不得以上

屬者為非疑下文寫字上舊有老字後人誤以為重衍而去之耳 **註** 鷓鷓至癡鳥 **正義** 說文云鷓鳥也

釋文引字林云句喙鳥玉篇云鷓鳥啄食廣韻亦作鷓監本鷓字从令作鷓非也

鴈鴟

註今鴟雀

正義鴈一名鴟又作鸚亦謂之鸚鴟左傳疏引賈逵服虔註謂鸚鴟以聲音為

名也鸚為六禽之屬周官庖人共之內則亦以為庶

羞之品晉語云晉平公射鸚韋昭註鸚鴟小鳥也

今鴟雀。**正義**莊子謂之斥鴳釋文引司馬彪云鴟

鴟雀也高誘呂氏春秋註云鴟一名冠雀顏師古急

就篇註云今俗呼為鴟爛堆衆經音義引纂文云關中以鴟為鴟爛堆

桑鴈竊脂**註**俗謂之青雀背曲食肉好盜脂膏因名云

正義左傳疏引李巡云桑鴈一名竊脂小雅小宛云

交交桑扈率場啄粟毛傳交交小貌桑扈竊脂也鄭

箋云竊脂肉食今乃無肉而循場啄粟失其天性不

能以自活疏引陸璣疏云青雀也好竊人脯肉及笱

中膏故以名竊脂也說竊脂者舊無疑義至孔穎達

左傳疏延云諸儒說竊脂皆謂竊人脂膏也即如此

言竊元竊黃者豈復盜竊元黃乎爾雅釋獸云虎竊

毛謂之貓貓雕如小熊竊毛而黃竊毛皆謂淺毛竊

卽古之淺字竊元淺黑也竊藍淺青也竊黃淺黃也
竊丹淺赤也四色皆具則竊脂爲淺白也案孔疏所
辨非徒不達於物性也又不明於詩義今桑鴈色青
翠春暮常在叢薈間孔疏定爲淺白當由未識此鳥
以臆決之且三百篇善言物性前後互見宜得其會
通詩不云乎交交桑扈有鶯其羽又云交交桑扈有
鶯其領毛傳云鶯然有文章是鶯者指其色之青翠
而言後世以黃離爲黃鶯亦言其文彩也若如孔疏
以桑鴈爲淺白之鳥然則白鴈白鶯亦可云有鶯其
羽有鶯其領乎夫物性各殊不可以強詞而奪桑鴈
竊肉而食其性然也淮南說林訓云馬不食脂桑鴈
不啄粟非廉也高誘云桑扈青雀馬不竊脂是則桑
扈之竊食脂膏古人盡物之性以正其名至今可得
之目驗豈得強所不知斷爲淺白哉至於竊藍竊黃
竊自爲淺不得與竊脂一例爾雅命名有取諧聲者
如鷓鴣之名鷓鴣鳴鳩之名鷓鴣有象其形者如燕
爲白脰烏倉庚爲鷺黃以及竊藍竊黃皆是也有指
其事者如鷓鴣爲剖葦鷓爲蟲母鷺爲斲木暨桑鴈

為竊脂皆是也古人命物之名原未嘗預立定制孔
 疏徒知竊有淺義遂欲併竊脂而訓為淺白然則釋
 鳥有鶉負雀謂鶉能捉雀釋蟲有草蟲負蟻豈可謂
 草蟲之所負為蟻乎蠶蟹一名負盤豈可謂蠶蟹能
 負盤匪乎以是推之則竊脂之竊為盜竊之竊竊藍
 竊黃與獸類之竊毛皆為竊淺之竊義本殊途言各
 有當不窮物性而望文生義此
 無異於高叟為詩多見其固也

鳩鵲剖葦註好剖葦皮食其中蟲因名云江東呼蘆虎

似雀青斑長尾正義鳩鵲一名剖葦說文云刀鵲剖
 葦食其中蟲鳩當從說文作刀註好

剖至長尾正義玉篇云剖葦似雀青斑居蘆葦本
 於郭註也說文繫傳云江東呼蘆虎虎綉蟲衣也未

詳虎袴蟲
 衣之義

桃蟲鷓其雌鷓註鷓鴣桃雀也俗呼為巧婦小鳥而生

鷓鴣者也

正義詩疏引舍人云桃蟲名鷓其雌名鷓周頌小毳云肇允彼桃蟲拚飛維鳥毛傳

桃蟲鷓也鳥之始小終大者鄭箋云鷓之所為鳥題

肩也或曰鷓皆惡聲之鳥案鄭君因始小終大而推

言之互舉二鳥不為定說也**正義**鷓鴣至者也○**正義**

鷓鴣桃雀者說文云鷓鴣桃蟲也俗呼為巧婦者方

言云桑飛自關而東謂之工爵或謂之過羸或謂之

女斥郭氏彼註云即鷓鴣也今亦名為巧婦江東呼

布母莊子逍遙遊云鷓鴣巢于深林不過一枝李頤

註云鷓鴣小鳥也郭又云小鳥而生鷓鴣者詩疏引

陸璣疏云今鷓鴣是也微小於黃雀其雛化而為鷓

故俗語鷓鴣生鷓鴣監本脫小鳥以下八字今從詩疏

所引郭

註增補

鷓其雌皇

註

瑞應鳥雞頭蛇頸燕頤龜背魚尾五彩

色其高六尺許

正義說文云鷓鳥也其雌皇一日鳳凰也左氏昭十七年傳云少皞摯之

立也鳳鳥適至故紀於鳥而為鳥師鳳鳥氏歷正也
杜註云鳳鳥知天時故以名歷正之官益稷云鳳凰
來儀鄭註云儀匹言其相乘匹大雅卷阿云鳳凰于
飛翾翾其羽毛傳云鳳凰靈鳥仁瑞也雄曰鳳雌曰
鳳釋文引陸璣疏云雄曰鳳雌曰皇一名鷩其雛曰
鸞鸞或曰鳳一名鸞鸞註瑞應至尺許註韓詩
外傳云黃帝召天老而問之曰鳳象何如天老對曰
夫鳳象鴻前鱗後蛇頸而魚尾龍文而龜身燕頤而
雞喙戴德負仁抱忠挾義小音金大音鼓延頸奮翼
五彩備明舉動八風氣應時雨食有質飲有儀往卽
文始來卽嘉成惟鳳為能通天祉應地靈律五音覽
九德天下有道得鳳象之一則鳳過之得鳳象之二
則鳳翔之得鳳象之三則鳳集之得鳳象之四則鳳
春秋下之得鳳象之五則鳳沒身居之案諸家說鳳
者大率本於天老也說文云鳳神鳥也見則天下大
安寧皆為瑞應之鳥郭氏所言鳳象本於廣雅又云
其高六尺許者郭註山海經云漢時鳳皇數出高
五六尺五采與此註同監本脫其字今從宋本

鷓鴣

註

雀屬也飛則鳴行則搖

正義

鷓鴣詩作脊令離渠說文作離

鷓別二名也小雅常棣云脊令在原毛傳脊令離渠也鄭箋云離渠水鳥而今在原失其常處則飛則鳴

求其類天性也疏引陸璣疏云大如鷓雀長脚長尾尖喙背上青灰色腹下白頸下黑如連錢故杜陽人

謂之連錢**註**雀屬至則搖。正義說文云雅石鳥一名離鷓是離鷓又名雅又名石鳥也飛則鳴行則搖

者毛傳文小宛云題彼脊令載飛載鳴鄭箋云則飛則鳴翼也口也無有止息時

鷓斯

註

鴉鳥也小而多羣腹下白江東亦呼為鴉

鳥**正義**鷓斯一名鴉鴉水經註引孫炎云卑居楚鳥提提毛傳鷓卑居卑居雅鳥也提提羣貌孔疏云此

鳥性好羣聚故曰歸飛提提夏官羅氏掌羅鳥鳥鄭

註以鳥為卑居之屬亦以其羣聚而易羅也斯為語辭古人每多連舉如斯螽螽斯之類是也鷓鴣當作

甲居註鴉鳥至鴨鳥。正義鴉當作雅說文云雅楚鳥也一名甲居一名鴛泰謂之雅小爾雅云純黑而

反哺者謂之鳥小而腹下白不反哺者謂之雅鳥釋文引字林亦曰泰云雅鳥水經注又引馬融說以為

賈鳥矣

燕白脰鳥註脰頸正義此後世所謂燕鳥也小爾雅云

水經註引小爾雅白項作白頭又多大而白頭者謂之蒼鳥一句蒼鳥為燕鳥之類也

鴛鴦母註鴛也青州呼鴛母正義鴛一名鴛母夏小正

鴛為鼠傳曰鴛鴦也變而之善故盡其辭也鴛為鼠變而之不善故不盡其辭也今鴛有海魚所化者背有斑文其田鼠所化者則無斑文鴛為小鳥而在者食品用之夏官掌畜膳獻之鳥鄭註以為鴛鴦之屬公食大夫禮以鴛為庶羞充二十豆之數蓋蒸而食之內則云鴛羹雞羹鴛醲之麥鄭註云鴛在羹下

蒸之不羹也說文作翟牟母也駕或作翟禮記疏引舍人云母作無鄭註儀禮作駕無母蓋傳寫之訛月令註作駕鴝母是也註鴝也至鴝母正義郭以鴝為鴝者禮記疏引李巡云鴝鴝一名鴝母郭註本李巡淮南時則訓註云鴝鴝也此因莊子謂田鼠化為鴝而傳合之田鼠亦能化鴝鴝為鴝之類而非鴝也禮記釋文引蔡邕章句以鴝為鴝鴝屬玉篇以鴝母即鴝而不得其定名說文以鴝為鴝屬玉篇以鴝母即鴝皆可與郭註相證明也青州呼鴝母者高誘呂氏春秋註云青州謂之鴝鴝周雒謂之鴝幽州謂之鴝鴝鴝即鴝母之訛也禮記疏引皇侃疏義用賀瑒之說以鴝為蝙蝠此又因鼠能化蝙蝠而誤也

密肌繫英

註

釋蟲已有此名疑誤重

正義

釋文本密作鷓英作鷓郭疑為

重出則郭本不從鳥玉篇云鷓肌繼鷓鳥名又云鷓鳥名鳥似鷓密密古通用蓋爾雅家之舊說也

鴝周

註

子鴝鳥出蜀中

正義

鴝一名周史記歷書云百草鴝與秣鳩先津徐廣以為即

子規也今子規大如鳩以春分先鳴至夏尤甚日夜
號深林中口為流血至章陸子熟乃止

中○**正義**詩疏引舍人云鶯周名燕燕又名鴼孫炎

云別三名太平御覽引孫炎云鶯周燕別名皆合下

文釋之說文以為子鶯鳥而亦云鶯周燕也郭不從

者以子規與燕自為兩鳥戶盡知之不得傳合為一

也玉篇以鶯鶯為子鶯聲之轉也又以為鶯即布

穀則誤矣子規出蜀中今所在有之蜀中尤多

燕燕**鴼**詩云燕燕子飛一名兮鳥齊人呼鴼

鴼說文云燕元鳥也籀口布狻枝尾象形又云乙元

鳥也或作鴼左氏昭十七年傳云元鳥氏司分者也

說文引明堂月令元鳥至之日祠于高禩以請子請

子必以乙至之日者乙春分來秋分去開生之候鳥

帝少昊司分之官也鄭註月令云燕以施生時來巢

人堂宇而孚乳娶嫁之象也古者重高禩之祀其祀

之之禮則盧植以為用三牲商頌言降而生商或謂

因祀高禩而得子故詩人謂之天命矣燕畏人而襲

諸人間人多喜其來巢夏小正云二月來降燕乃睇
燕乙也降者下也言來者何也莫能見其始出也言
乃睇何也睇者眇也眇者視可爲室者也百鳥皆曰
巢突穴又謂之室何也操泥而就家入人內也九月
陟元鳥蟄陟升也元鳥者燕也先言陟而後言蟄者
何也陟而後蟄也今燕蟄毛羽盡脫多藏海濱坻岸
或在深山空木中註詩云至呼正義邶風云燕
燕于飛毛傳燕燕也呂氏春秋音初篇云燕燕往
飛漢書五行志童謠云燕燕尾涎涎是古人多連言
燕燕左傳疏云或單呼爲燕或重名燕燕異方語也
商頌毛傳云元鳥也說文云齊魯謂之乙取其鳴
自呼莊子謂之鷦鷯山木篇云鳥莫知於鷦鷯司馬
彪註云鷦鷯燕也皆因其聲轉而爲名也

鷦鷯

鷦鷯類

正義

詩疏引舍人云鷦鷯一名鷦鷯

無毀我室鷦鷯鷦鷯鳥名也鷦鷯所以愛養其子者
適所以病之愛養其子者謂堅固其巢巢病之者不

知託于大樹茂枝反敷之葦蒿風至蒿折巢覆有子
 則死有卵則破是其病也韓詩所說鴟鴞即荀子勸
 學篇所謂蒙鳩也詩疏引陸璣疏云鴟鴞似黃雀而
 小其喙尖如錐取茅莠為巢以麻紘之如刺襪然縣
 著樹枝或一房或二房幽州人謂之鸛鳩或曰巧婦
 或曰女匠關東謂之工雀或謂之過羸關西謂之桑
 飛或謂之襪雀或曰巧女陸疏所說異名本於方言
 以鴟鴞為小鳥也楊倞荀子註謂蒙鳩即鸛鷓也引
 說苑客謂孟嘗君曰鸛鷓巢於葦苕箸之以髮可謂
 完堅矣大風至則苕折卵破者何也所託者然也案
 鸛鷓自為桃蟲巢林不過一枝形微處卑物莫之害
 繁滋族類乘居匹游無巢覆卵破之患以鸛鷓為蒙
 鳩非也蒙鳩大戴禮記作蛟鳩註鴟鴞類○正義諸家
 並以鴟鴞為鳩屬郭云鴟類與諸家異劉向九歎云
 鴟鴞集於木蘭王逸註鴟鴞
 鸛鷓貪鳥也與郭註意同

狂茅鴟

註

今鸛鷓也似鷹而白怪鴟

註

即鴟鷓也見廣

雅今江東通呼此屬爲怪鳥梟鴟

註土梟

正秋官
若族氏掌

覆天鳥之巢庭氏掌射國中之天鳥若不見其鳥獸則以救日之弓與救月之矢射之鄭註云天鳥惡鳴之鳥若鴟鷂又云不見鳥獸謂夜來鳴呼爲怪者此以茅鴟怪鴟及梟鴟釋妖鳥之類也○狂茅鴟○茅鴟一名狂卽下文所謂萑老鷁也○怪鴟○說文云鴟舊留也舊或爲鴟繫傳以爲卽怪鴟也卽上文所云鴝鴟鴟矣莊子秋水篇云鴟鴞夜撮蚤察毫末晝出矚目而不見正山釋文引司馬彪云鴟鴞夜取蚤食之李頤云鴟鴞夜聚人爪於巢中案鴟鴞所聚或以爲蚤蝨而非人之爪甲然博物志謂其夜至人家取人所棄爪甲分別視之則知吉凶凶者輒鳴陳藏器又謂有人獲之嗑中猶有爪甲跡涉語怪無俟究詰淮南謂鴟夜聚蚤察分毫末與莊子同○梟鴟○鴟一名梟人雅瞻卽云爲梟爲鴟毛傳鴟梟惡聲之鳥說文梟不孝鳥日至捕梟磔之从鳥頭在木上詩疏引陸璣疏云鴟大如斑鳩綠色惡聲之鳥也入

人家凶賈誼所賦鵙鳥是也其肉甚美可為羹臠又
 可為炙漢供御物各隨其時鵙冬夏常施之以其美
 故也案淮南說林訓云鼓造辟兵壽盡五月之望高
 誘註鼓造謂臬後世五月作臬羹蓋仍古制矣史記
 賈誼傳云楚人命鵙曰服鄧展云似鵙而大晉灼引
 巴蜀異物志云有鳥小如雉體有文色土俗因形名
 之曰服不能遠飛行不出域荊州記云巫縣有鳥如
 雌雉其名為鵙楚人謂之服吳錄云服黑色鳴自呼
 是鵙為鵙類而非臬也註即鵙至怪鳥○正義衆經
 音義引舍人云一名怪鳥一名鵙鵙一名鈎鵙說文
 云鵙鵙也籀文作鵙廣雅云肥鵙鵙鵙怪鵙也郭云
 江東通呼此屬為怪鳥故賈誼傳亦以鵙為不祥之
 鳥也○土臬○正義羅願云
 土臬穴土以居故曰土臬

鵙劉疾

註

未詳

正義

鵙之雄者亦名鵙故玉篇云鵙
 鵙也劉疾其同名而異類者與

生哺穀

註

鳥子須母食之生喙雛

註

能自食

正義

此別
 鳥生子之

異名也。○生哺鷩。○說文云鷩鳥子生哺者漢書五行傳註云鳥子新生而哺者曰鷩魯語云鳥翼鷩也。○文子上德篇云鷩卵不探皆通以鳥子爲鷩史記趙世家云探爵鷩而食之集解引綦毋邃云鷩爵子也。○此順文釋之鷩不專指爵子也方言云爵子及雛鷩皆謂之鷩史記索隱謂生而受哺者謂之鷩莊子天地篇鷩居而鷩食言其仰物而生也。○生嚼雛。○鳥之生而自能嚼食者謂之雛月令云天子乃以雛嘗黍淮南時則訓註云雛新雛也內則云雛燒孔疏云雛是鳥之小者火中燒之然後調和若今之臠也內則又云雛尾不盈握弗食所以長養庶物也。

爰居雜縣 **註** 國語曰海鳥爰居漢元帝時琅邪有大鳥

如馬駒時人謂之爰居 **正義** 爰居一名雜縣釋文引李巡云爰居海鳥也樊光云

似鳳凰急就篇謂之乘風 **註** 國語至爰居。 **正義** 魯語云海鳥曰爰居止於魯東門之外二日臧文仲使

國人祭之莊子至樂篇云海鳥止於魯郊魯侯御而
 觴之於廟奏九韶以為樂具太牢以為膳鳥乃眩視
 憂悲三日而死是因魯祭爰居而相傳為此
 說也釋文引司馬彪云爰居舉頭高八尺

春鳧鵞鴈夏鳧竊冬鳧竊黃棘鳧竊丹行

鳧喞喞宵鳧噴噴註諸鳧皆因其毛色音聲以為名

竊藍青色

左氏昭十七年傳云九鳧為九農正
 民無淫者也前人釋九鳧者俱引爾雅

前後之文以證之一曰春鳧二曰夏鳧三曰秋鳧四
 曰冬鳧五曰棘鳧六曰行鳧七曰宵鳧八曰桑鳧九
 曰老鳧唐石經重出桑鳧竊脂四字於冬鳧竊黃之
 下則桑鳧五棘鳧六行鳧七宵鳧八老鳧九今以諸
 家所引者證之則石經重出桑鳧竊脂四字實為後
 人所羈入而唐後諸本俱仍其誤也諸家之說可證
 者左傳疏引賈逵云春鳧分循相五土之宜趣民耕
 種者也夏鳧竊元趣民耘苗者也秋鳧竊藍趣民收

歛者也冬扈竊黃趣民蓋藏者也棘扈竊丹爲果馭
鳥者也行扈惜惜晝爲民馭鳥者也宵扈噴噴夜爲
農馭獸者也桑扈竊脂爲蠶馭雀者也老扈鳩鳩趣
民收麥令不得晏起者也是賈逵以春扈至宵扈七
扈相次而益以桑扈老扈爲九扈不以桑扈越居第
五其證一也左傳疏謂舍人註爾雅其言與賈逵同
是舍人本以桑扈居第八文不重見其證二也左傳
疏又引樊光註曰春秋云九扈爲九農正九扈者春
扈夏扈秋扈冬扈棘扈行扈宵扈桑扈老扈以爾雅
上文所云鷦鷯老者老字下屬唯鳩不重是樊光本
亦以七扈連舉然後及上文之桑扈老扈不重桑扈
竊脂四字其證三也說文云九扈農桑候鳥扈民不
姪者也春扈鳩鳩夏扈竊元秋扈竊藍冬扈竊黃棘
扈竊丹行扈惜惜宵扈噴噴桑扈竊脂老扈鷦鷯是
許叔重所見爾雅本先舉七扈始益以桑扈老扈與
賈逵同其證四也蔡邕獨斷說九扈之官云春扈氏
農正趣民耕種夏扈氏農正趣民蓋藏棘扈氏農正
趣民收歛冬扈氏農正趣民蓋藏棘扈氏農正常謂

茅氏一曰掌人百果行扈氏農正晝為民驅鳥宵扈氏農正夜為民驅獸桑扈氏農正趣民養蠶老扈氏農正趣民收麥蔡氏以桑扈為趣民養蠶勝於賈逵所說其九扈之次第亦以桑扈老扈列於後其證五也杜預集解云扈有九種春扈鵙鵙夏扈竊元秋扈竊藍冬扈竊黃棘扈竊丹行扈喑喑宵扈噴噴桑扈竊脂老扈鵙鵙以九扈為九農之號各隨其宜以教民事是杜元凱所据爾雅不以桑扈竊脂列於棘扈之前其證六也孔穎達疏云釋鳥自春扈鵙鵙至宵扈噴噴凡七扈其文相次李巡總釋之云諸扈別春夏秋冬四時之名喑喑噴噴鳥聲貌也郭璞曰諸扈皆因其毛色音聲以為名竊藍青色釋鳥又云鵙鵙老扈鵙桑扈竊脂是孔氏所見郭氏爾雅本自春扈至宵扈連次七扈而老扈桑扈白在上文未嘗於冬扈竊黃之下復見桑扈竊脂四字其證七也有此七證則四字為後人羈入而非爾雅元文明矣今刪去

註諸扈至青色。○**正義**左傳疏引樊光云鵙鵙言分循也又謂舍人樊光註爾雅其言與賈逵同其意皆

謂以扈爲官還令依此諸扈而動作郭氏不引者以
此篇主於釋鳥故辨其毛色音聲不暇追述少皞之
官孔疏駁賈逵云趣民耕耘及收歛蓋藏其事皆可
召民使聚而總號令之其爲果驅鳥爲蠶驅雀豈得
多置官方使之就果樹入蠶室爲民驅之哉又晝驅
鳥夜驅獸不免竟日通宵常在田野溥天之下何以
可周且其言不經難可據信也案古制萍沐害虞以
前設官分職自難定其職掌第如孔疏所駁則又不
然古者重民衣食果亦民食所資故爾雅以果不熟
爲荒而急就篇亦云園菜果蔬助米糧九扈爲農正
植果養蠶設官董率於事無不便豈必親就果園躬
入蠶室而始稱棘扈桑扈之職哉田家種藝春夏之
交晝驅鳥雀夜驅走獸設人伺守至今猶然上古質
樸設官以相倡導自可與民相安若如孔疏所言將
令農民袖手旁觀而行扈宵扈之官使其竟日通宵
馳逐田野有是理乎疆域所限耳目難周無妨隨地
設官如漢制鄉置三老嗇夫者古今官制不必其設
一官號祇使一人爲之後世守牧令丞則千百人而

同一官號孔疏廼慮及普天之下何以可周是謂九扈之官必祇有九人也無乃失之泥與

鷓鴣戴鷩音鷩即頭上勝今亦呼為戴勝鷓鴣猶鷩鷩

語聲轉耳

正義禮記疏引李巡云戴勝一名鷩鷩今本訛作一名鷩鷩鷩鷩說文作鷩鷩語互

轉也月令云戴勝降于桑鄭註云戴勝織紵之鳥是時恒在桑言降者若時始自天來重之也呂氏春秋作戴任降于桑高誘註云戴任戴勝也爾雅曰鷩鷩即生於桑是月其子彊飛從桑空中來下故曰戴任降于桑也淮南時則訓作戴鷩降于桑註云鷩戴勝鳥逸周書云戴勝不降桑政教不平音鷩即至轉耳正義郭註方言云勝所以纏紵所謂頭上勝也今戴勝鳥似山鵲而尾短青色毛冠俱有文飾若戴花勝矣鷩鷩即鷩鷩者方言云自關而東謂之戴鷩東齊海岱之間謂之戴南南猶鷩也或謂之戴頰或謂之戴勝東齊吳揚之間謂之鷩自關而西謂之服鷩或謂之鷩鷩燕之東北朝鮮洌水之間謂之鷩郭氏

彼註云此亦語楚聲轉也禮記疏引孫炎云鳴鳩自
震而東謂之戴鷩案方言以鳩鳩即戴鷩故孫炎本
以為說郭氏彼註云尸
鳩即布穀非戴勝也

鷩澤虞

註

今姻澤鳥似水鴉蒼黑色常在澤中見人輒

鳴喚不去有象主守之官因名云俗呼為護田鳥

正義

鷩說文作鷩云澤虞也太平御覽引孫炎云鳴鳩或
謂紡澤虞其別名也常在澤中見人報鳴不去有象
主守之官因名之案方言云鳩鳩或謂之鷩澤故孫
炎引為一鳥郭氏方言註以為別一鳥名則鳩鳩非
澤虞也**註**今姻澤鳥**正義**說文姻嫪也釋文引聲
類姻嫪戀惜也此鳥常在池澤有似嫪戀故名姻澤

鷩鷩

註

即鷩鷩也鷩頭曲如鉤食魚

正義

鷩一名鷩說
文云鷩鷩也鷩傳

云盧鷩也即鷩鷩文選註引倉頡篇云似鷩而黑上
林賦謂之鷩**註**即鷩至食魚**正義**今人謂之鷩鷩

所在有之南人畜以捕魚後漢書註引楊孚異物志云能沒於深水取魚而食之不生卵而孕雛於池澤間既胎生而又吐生多者生八九少生五六相連而出若絲緒焉水鳥而巢高樹之上

鷓鴣其雄鷓鴣牝

詁

鷓鴣屬

正義

詩疏引李巡云別雌

鷓為鷓之別名也其雄者名鷓鴣牝者名痺鄜風云鷓之奔奔鷓之彊彊釋文引韓詩云奔奔彊彊乘匹之貌鄭箋云奔奔彊彊言其居有常匹飛則相隨之貌因韓詩為義也左傳及禮記表記呂氏春秋俱作鷓之賁賁鄭註表記以為爭鬪惡貌高誘以賁賁為其色不純今鷓鴣伏草間棲息無定所而雌雉有常匹得粟粒則爭而相鬪毛有班文是鄭高各據所見言之義似相反而實相成也魏風伐檀云不狩不獵胡瞻爾庭有懸鷓鴣兮鷓鴣為田獵者所資取故莊子徐無鬼云未嘗好田而鷓鴣生于矣今人捕鷓鴣者五更伏草中效其鳴則雄者羣至迺掩而羅之北方養鷓鴣者以足高者為雄足卑者為雌烹以為羹勝於鴈鶩內

則所謂鶉羹也。註鶉鶉屬。正義鶉與鶉相似故說文亦云鶉鶉屬也。列子天瑞篇云田鼠之為鶉也而淮南王書則以為蝦蟆為鶉。今人皆以鶉為蝦蟆所化矣。鶉頸細尾秃。韓詩外傳言衣若懸鶉謂衣之無後者也。

鶉沈鳧

註

似鳴而小長尾背上有文。今江東亦呼為鶉。

正義

鶉

一名沈鳧。詩疏引某氏曰詩云弋鳧與雁鄭

風女

曰雞鳴文也大雅鳧鷖在溼毛傳云鳧水鳥也

疏引陸璣疏云大小如鴨青色卑脚短喙水鳥之謹

愿者也。註似鴨至為鶉。正義急就篇云春草雞翹

鳧翁濯顏師古注云水中之鳥今所謂水鴨

也翁頸上毛也水鴨善濯故有沈鳧之名矣

鶉頭鶉

註

似鳧脚近尾略不能行江東謂之魚鶉音饒

箭

正義

鶉一名頭鶉太平御覽引孫炎云鳥鶉也玉

篇云白鶉羣飛尾如雌雉頭鶉為水鳥而不利於

行亦謂之噪獺史記賈誼傳云侏獺以隱處索隱

以為即魚鵒矣註似鳧至曉箭正義張揖子虛賦

註云鵒鵒頭鳥也是以鵒頭一名鵒也郭不從者以

西山經云青要山吟水出焉北注河其中有鳥名鵒

狀如鳧青身赤目赤尾是鵒為鳥名頭鵒其別名也

人郭註南山經云鵒似鳧而小脚近尾音散箭之散

與此註

畧同

鵒鳩寇雉註鵒大如鴿似雌雉鼠脚無後指岐尾為鳥

慙急羣飛出北方沙漠地正義鵒鳩一名寇雉下文

名冠雀雉之類也今鵒鳩其色淡黃形似鴿爪似人
足而有毛莊子逸篇云青鵒愛子忘親司馬彪云專
愛其子而忘其母也舊唐書謂之突厥雀註鵒大至
漠地正義衆經音義引爾雅舊註云今鵒大如鴿
亦言如鶉似雌雉鼠脚無後指岐尾羣飛出北方沙
漠地肉美俗名突厥雀生於蒿萊之間與此註詳畧

互異

桂老鷓

註

木兔也似鷓鴣而小兔頭有角毛脚夜飛好

食雞

正義

桂一名老鷓即上文所謂狂茅鷓也說文云桂鷓屬有毛角所鳴其家有甌

雞

正義

玉篇云似鷓鴣有角夜飛食雞鳴人有禍蓋本郭註為義

鷓鴣鳥

註

似雉青身白頭

正義

鷓一名鷓鴣太平御覽引孫炎云穀鷓水鳥玉篇作

鷓胡鳥釋文云鷓本亦作突

狂寢鳥

註

狂鳥五色有冠見山海經

正義

寢鳥一名狂釋文作鴛集韻以

鴛為鴟屬太平御覽引孔融周歲論云儀屯集狂鳥穢之

見山海經。大荒西經云栗廣之野有

五彩之鳥有冠名曰狂鳥郭氏彼註云爾雅狂夢鳥即此也

皇黃鳥正義俗呼黃離留亦名搏黍正義詩疏引舍人云

黃鳥未聞其名皇也王會篇云方揚以皇鳥殆謂是與郭氏以為即黃離留詳見下文倉庚商庚下

翠鵒正義似燕紺色生鬱林正義左傳疏引李巡云鵒一

光云青羽出交州說文云鵒知天將雨鳥也禮記曰知天文者冠鵒案今禮記無此文顏師古漢書註云

鵒大鳥即戰國策所云啄蚌者也天之將雨鵒則知之逸周書云知天文者冠鵒以鵒知天時者也又禮

圖術氏冠鵒左氏僖二十四年傳鄭子臧好聚鵒冠蓋非常用之冠欲以示異故聞者惡之也正義似燕至

鬱林正義郭註山海經亦云翠似燕而紺色與此同云生鬱林者王會篇云倉吾翡翠說文亦云翡翠

羽雀也翠青羽雀也出鬱林是翡翠為南方之鳥故漢時尉佗以翠鳥毛為獻矣張揖上林賦註云翡翠

大小亦如雀雄赤曰翡雌青曰翠博物志云翡翠通黑唯胸前背上翼後有赤毛翠身通青黃唯六翮上

毛長寸餘青其飛則羽鳴翠翡翠然因以為名也
劉逵吳都賦註翡翠巢樹顛生子夷人稍徙下其巢
子大未飛便取之
出交州鬱林郡

鷓鴣

山鳥

似鳥而小赤背穴乳出西方

正義

山鳥一名鷓鴣即赤背鳥也

水經註云火山出雛鳥形類雅鳥純黑而姣好音與
之同績采紺發背若丹砂馴良而易附卵童幼子捕
而執之曰赤背
鳥亦曰阿雛鳥

蝙蝠

服翼

齊人呼為蠟蠅或謂之仙鼠

正義

蝙蝠一名服翼今所

在有之為物微小而其出有時通卦驗云雨水蝙蝠
出古者以紀時候焉太平御覽引孝經援神契云蝙
蝠服匿故夜食今蝙蝠乘夜而出盤翔室中說苑云
黃鵠白鶴一飛千里使之與燕服翼藏之空廡之下
廬室之間其便未必能過燕飛服翼也蝙蝠有大者
水經註云交州丹水亭下有石穴穴中蝙蝠如鳥

齊人至仙鼠。**正義**方言云蝙蝠自關而東謂之服

翼或謂之飛鼠或謂之老鼠或謂之卷鼠自關而西

秦隴之間謂之蝙蝠北燕謂之蠟案蝠蝠為鼠所化猶未離夫鼠類故兼有鼠名

晨風鷓

註

鷓屬詩曰鷓彼晨風

正義

詩疏引舍人云晨風一名鷓鷓擊鳥也鷓

為鷓類有生於土窟者故亦謂之土鷓孟子云為叢

毆爵者鷓也趙岐云鷓土鷓也詩疏引陸璣疏云鷓

似鷓青黃色燕頷句喙嚮風搖翅乃因風飛急疾擊

鳩鴿燕雀食之**註**詩曰至晨風。**正義**秦風晨風文

毛傳歎疾飛貌

鷺白鷺

註

似鷹尾上白

正義

鷺一名白鷺與王雉相似而尾色白古今註云白鷺似鷹

尾上白亦謂之印尾鷹監本誤分楊鳥為二字釋文

及唐石經俱作鷺今從之**註**似鷹尾上白。**正義**玉

篇作鷺白鷺似雁尾白雁字疑傳寫之

訛白鷺為鷹類故廣雅云白鷺鷹也

寇雉泐泐

註

卽鷓鴣也

正義 廣異名也詳見上

鷓鴣母

註

似鳥鷓而大黃白雜文鳴如鷓聲今江東呼

爲蚊母俗說此鳥常吐蚊因以名云

正義 鷓一名蟲母嶺表錄異云

蚊母鳥形如青鷓嘴大而長於池塘捕魚而食每叫一聲則有蚊蚋飛出其口俗云採其翅爲扇可辟蚊子亦呼爲吐蚊鳥李肇國史補云江東有吐蚊鳥夏夜吐於蘆荻中湖湘尤甚案此鳥今嶺南有之

加^加貞羸

註

鷓鴣似鳧而小膏中瑩刀

正義 鷓一名須臾野鳧也方言

云野鳧其小而好沒水中者南楚之外謂之鷓鴣大者謂之鷓鴣皆所以廣異名**註**鷓鴣至瑩刀**正義**鷓鴣說文作鷓鴣玉篇云鷓鴣水鳥後漢書註引方言而增成其義曰膏可以瑩刀劍與此註同釋文云

瑩本今作瑩

瑩磨瑩也

鼯鼠夷由

註

狀如小狐似蝙蝠肉翅翅尾項脊毛紫赤

色背上蒼艾色腹下黃喙頰雜白脚短爪長尾三尺

許飛且乳亦謂之飛生聲如人呼食火烟能從高赴

下不能從下上高

正義

鼯鼠一名夷由即鸞也說文云鸞鼠形飛走且乳之鳥上林賦

謂之飛蠭郭氏彼註云飛且生一名飛生玉篇鼯作

鴟由作鴟**註**狀如至上高**正義**劉達吳都賦註云

鼯大如猿肉翼若蝙蝠其飛善從高集下食火煙聲

如人號一名飛生飛生子故也東吳諸郡皆有之唐

書地理志台州

土貢飛生鳥

倉庚商庚

註

即鷲黃也

正義

夏小正云二月有鳴倉庚倉庚者商庚也商庚者長股也

三百篇多言倉庚黃鳥詳其聲狀倉庚為候白故幽風七月云春日載陽有鳴蒼庚說文云離黃庚也

唯則蠶生鄭箋亦以倉庚鳴為可蠶之候也其鳴聲
和調而圓亮故葛覃云其鳴喈喈其毛色陸離而鮮
明故東山云熠燿其羽其為鳥柔易而近人故凱風
云覲睨黃鳥毛傳以覲睨為好貌也其頸端有細毛
雜色故小雅云緜蠻黃鳥文選註引薛君章句云緜
蠻文貌也以其為時候之鳥詩人所興詠故爾雅釋
之特詳下文云鴛黃楚雀倉庚鷺黃也皆申釋之
即鴛黃也。正義郭氏上文黃鳥註云俗呼黃離留
亦名搏黍廣其異名也方言云鸞黃自關而東謂之
倉庚自關而西謂之鸞黃或謂之黃鳥或謂之楚雀
詩疏引陸機疏云黃鳥黃鸞留也或謂之黃栗留幽
州人謂之黃鸞一名倉庚一名商庚一名鴛黃一名
楚雀齊人謂之搏黍當甚熟時來在桑間故里語曰
黃栗留看我麥黃甚熟否是應節趨時之鳥也高誘
呂氏春秋註秦人謂之黃離幽冀謂之黃鳥

鳩舖枝

註未詳

正義說文作鳩舖枝
玉篇云賦舖枝鳥

鷹鵙鳩

註

鵙當為鵙字之誤耳左傳作鵙鳩是也

正義左氏

昭十七年傳云爽鳩氏司寇也杜註云爽鳩鷹也鷹故為司寇案鷹為鷲鳥列於五鳩者鳩化為鷹猶未

離其類也故稱鳩焉夏小正云五月鳩為鷹六月鷹始擊始擊而言之何也諱殺之辭也故言擊云月令

季夏之月鷹乃學習孟秋之月鷹乃祭鳥鄭註云鷹學習謂攫搏也鷹祭鳥者將食之示有先也既祭之

後不必盡食孔疏云鷹欲食鳥之時先殺鳥而不食與人之祭食相似是則鷹雖習為搏攫而不盡食猶

刑戮止及有罪而不濫及故五鳩皆所以鳩民也註鵙當至是也○**正義**左傳疏引樊光云來鳩爽鳩也春

秋日爽鳩氏司寇鷹鷲故為司寇是樊本作來郭以鵙為鵙字之誤

鵙鵙比翼

註

說已在上

正義

釋文云象家本作兼兼李

故曰鵙鵙也
詳見釋地

為黃楚雀

註 卽介庚也

正義 禮記疏引李巡云一名楚雀詳見上

鴛斲木

註

口如錐長數寸常斲樹食蟲因名云

正義 斲木鳥一

名鴛淮南說林訓云斲木愈齟以其善啄故能治齒病此類之可推者也高誘時則訓註以倉庚為斲木

今倉庚自為黃鸝應候而鳴斲木所在山中有之終日啄木中之蠹而非候鳥知高氏為誤矣

註 口如至名云。 **正義** 此釋其命名之義也羅願云此鳥褐者是雌斑者是雄又有青黑者又有如鶴頂者山中人

呼為山啄木

鷺鷥鷓鴣

註

似鳥蒼白色

正義 玉篇云鷺一名唐屠鳥似鳥段成式云鷺色黃一變為青

鵝青灰色鵝之後乃至屢變橫理轉細臆前微微漸白

鷓鴣諸雉

註

未詳或云卽今雉

正義 說文釋雉有十四種其一曰盧諸雉張揖上林

賦註云鷺
白雉也

鷺春鉏

註

白鷺也頭翅背上皆有長翰毛今江東人取

以為曉離名之曰白鷺線

正義

鷺一名春鉏其色純潔故詩人以喻潔白之士

周頌云振鷺于飛于彼西雝毛傳鷺白鳥也後漢書註引韓詩薛君章句云鷺潔白之鳥也雝文王之雝

也言文王之時辟雍學士皆潔白之人也又古者以鷺飾鼓隋書樂志云鼓栖翔鷺其上不知何代所加

或曰鷺鼓精也或曰非也詩曰振振鷺于飛鼓咽咽醉言歸古之君子悲周道之衰頌聲之輟節鼓以

鷺存其風流註頭翅至鷺線○正義鷺頭翅背上有長翰毛即古人取以為翮者也陳風宛丘云值其鷺

羽又云值其鷺翻毛傳鷺鳥之羽可以為翮疏引陸璣云鷺水鳥也好而潔白故謂之白鳥齊魯之間謂

之春鉏遼東樂浪吳揚人皆謂之白鷺青脚高二七
八寸尾加鷹尾喙長三寸頭上有毛十數枚長

純純然與衆毛異好欲取魚時則珥之今吳人亦養焉楚威王時有朱鷺合沓飛翔而來舞則復有赤者舊鼓吹朱鷺曲是也孔疏云鳥名白鷺赤者少耳

鶴雉註青質五彩鷓雉註即鷓鷯也長尾走且鳴鳴雉

註黃色鳴自呼鷺雉註似山雞而小冠背毛黃腹下

赤項綠色鮮明秩秩海雉註如雉而黑在海中山上

鶴山雉註長尾者翰雉鷓雉註今白鷓也江東呼白

翰亦名白雉雉絕有力奮註最健鬪伊洛而南素質

五彩皆備成章曰翬註翬亦雉屬言其毛色光鮮江

淮而南青質五彩皆備成章曰鷩註即鷩雉也南方

曰鷩東方曰鷮北方曰鷩西方曰鷮

名 **正義** 說卦傳云離為雉取其文明之象故服飾多

尚之其性耿介稟純陽之質與雷氣通夏小正云

正月雉震响响也者鳴也震也者鼓其翼也正月必

雷雷不必聞惟雉為必聞之春官作六摯土執雉取

其守介而死不失節也說文云雉有十四種盧諸雉

喬雉鳥雉鷩雉秩秩海雉翟山雉輪雉卓雉伊洛而

南曰鞏江淮而南曰搖南方曰鷩東方曰鷮北方曰

稀西方曰踔此分釋之兼及其絕有力者也○鷩雉

○此即素質五采皆備成章者也字本作搖又轉作

揄玉藻云夫人揄狄鄭註云揄讀如搖後世作字異

耳○鷩雉○說文云鷩走鳴長尾雉也乘輿以為防

鈗著馬頭上小雅車鞞云有集維鷩疏引陸璣疏云

鷩微小於翟也走而且鳴曰鷩鷩其尾長肉甚美故

林麓山下人語曰四足之美有鹿兩足之美有鷩鹿

者似鹿而小是也詩釋文引韓詩云二矛重鷩蓋二

矛皆懸毛羽若後世鷩毛稍矣○鷩雉○黃色之雉

因其自呼者以爲名猶鷓之自呼曰鷓也○鷓雉○
說文云鷓赤雉也左氏昭十七年傳云丹鳥氏司明
者也疏引樊光云丹雉也少皞氏以鳥命官丹鳥氏
司明以立秋來以立冬去入水爲蜃是鷓雉爲候鳥
來去知時故古以命官不徒尚其采色也至有虞以
華蟲作繪華蟲卽鷓雉則取其象之文明周有鷓冕
春官司服所謂享先公饗射則鷓冕又云侯伯之服
自鷓冕而下如公之服是也鄭註謂鷓畫以雉兼取
其耿介而有文章矣釋名云祭服有鷓冕鷓雉之態
惡者山雉是也鷓慙也性急慙不可生服必自殺故
畫其形於衣以象人執耿介之節也案劉成國此說
誤耳繪象以觀德不取其慙惡鷓雉似山雉非卽山
雉也○秩秩海雉○此雉之色黑者因其所在以名
之○鷓山雉○說文云翟山雉尾長者左傳疏引樊
光云其羽可持而舞詩云右手秉翟案邶風簡兮毛
傳云翟羽也孔疏以爲雉之羽也翟羽旣可以持舞
又刻其形以綴衣天官內司服掌王后之六服有闕
狄鄭註云狄當爲翟釋名云闕翟翦闕繒爲翟雉形

以綴衣也。鄭風借老云：其之翟也。毛傳云：闕翟羽飾衣也。孫毓謂羽施於旌旂則可，施於衣裳則否。蓋附人身動則卷舒，非可以羽飾。鄭註內司服謂刻繒為之形，闕翟刻而不畫，較毛義為長也。翟又為染采之總名。染人云：秋染夏鄭註，染夏者染五色謂之夏者。其色以夏翟為飾。禹貢曰：羽畎夏翟，是其總名。其類有六：曰翬，曰搖，曰鵲，曰翟，曰翬，曰翟。其毛羽皆備五色成章。染者擬以為深淺之度，是以放而取名焉。○翰，雉鶉雉。○說文以翰雉鶉雉為二雉。郭氏則以為一物而二名，即白雉也。抱朴子謂白雉有種，南越尤多。○雉絕有力奮。○說文云：奮，翟也。詩曰：不能奮飛。淮南時則訓云：鳴鳩奮其羽，高誘註云：奮，迅其羽直刺上飛也。凡鳥之有力者皆能上飛，此言其雉絕有力為奮，專指其力之健也。○伊洛至日翬。○左傳疏引李巡云：素質五彩備具，文章鮮明，日翬。孫炎云：翬，雉白質，五采為文也。玉藻云：主后禕衣，鄭註云：禕，讀如翬。釋名云：禕，衣畫翬雉之文於衣也。伊洛為土中，故翬雉為五雉之一。○江淮至日鶡。○以青色為質。

而備五采者為鷩王后之六服有揄狄鄭註云禴翟
 畫搖者釋名云鷩翟畫鷩雉之文於衣也又釋名以
 翟為青質鷩為素質與爾雅互異○南方至日鷩○
 左傳云五雉為五工正疏引賈逵云西方曰鷩雉攻
 木之工也東方曰鷩雉擗殖之工也南方曰翟雉攻
 金之工也北方曰鷩雉攻皮之工也伊洛而南曰翟
 雉設五色之工也樊光註爾雅四方之雉配工亦與
 賈同案古者利器用正度量以平民故五工正與九
 農正並重唐虞之世工垂猶列於九官賈樊所說五
 雉之名當屬漢初相傳舊說不可疑其無據也考工
 記於五工之外更有刮摩之工則後來所增設耳惟
 爾雅作南方曰鷩而賈逵作南方曰翟杜預集解與
 賈逵同疑所見本異也註即鷩至且鳴○註鷩雉
 亦謂之鷩雞薛綜西京賦註云雉之健者為鷩尾長
 六尺○似山至鮮明○註西山經云小華之山鳥
 多赤鷩郭氏彼註云赤鷩山雞之屬匈腹洞赤冠金
 背黃頸綠尾中有赤毛采鮮明與此註同鷩雉又名
 駿驤說文云駿驤鷩也秦漢之初侍中冠駿驤冠郭

氏註子虛賦云鷓鴣似鳳有光彩史記索隱以為鷓
 鷓即山雞顏師古漢書註云鷓鴣似山雞而小冠背
 毛黃腹下赤項綠色其尾下紅赤光采鮮明今俗呼
 山雞非也魏都賦又謂之鷓鴣太平御覽引綦母遠
 云鷓鴣鳥名如山雞是郭以鷓鴣似山雞非即山雞
 也○長尾者○**正義**郭註西山經云翟似雉而大長
 尾博物志云翟雉長毛雨雪惜其尾栖高木杪不敢
 下食往往餓死○今白至白雉○**正義**南山經云播
 豕之山多白翰郭氏彼註云白翰白雉也亦名鴨雉
 又曰白雉又北山經云縣雍之山其鳥多白鶴郭氏
 云即白鶴也○輦亦至光鮮○**正義**舊疏引郭註此
 下多王后之服以為飾七字檢諸本俱無之未知邢
 氏所据○說四至之名○**正義**左傳疏引
 舍人云釋四方之雉名也郭註本舍人

鳥鼠同穴其鳥為鷓其鼠為鼯**註**鼯如人家鼠而短尾

鷓似鷓而小黃黑色穴入地三四尺鼠在內鳥在外

今在隴西晉陽縣鳥鼠同穴山中孔氏尚書傳云其

為雄雌張氏地理記云不為牝牡

正義禹貢云導渭自鳥鼠同定此釋

其鳥鼠之名也書疏引李巡云餘賧鳥鼠之名共處一穴天性然也水經註引鄭康成書註云鳥鼠之山有鳥焉與鼠飛行而處之又有止而同穴之山焉是二山鳥名為鴒似鴉而黃黑色鼠如家鼠而短尾穿地而共處鼠內而鳥外**世**穴入至牝牛○**正義**郭云穴入地三四尺者宋書云沙州甘谷嶺有雀鼠同穴或在山嶺或在平地雀色白鼠色黃地生黃紫花草便有雀鼠穴云在隴西首陽縣者漢書地理志隴西首陽縣西南有鳥鼠同穴山山今在甘肅蘭州府渭源縣西又引孔氏尚書傳者郭氏嘗見梅賾所上古文孔傳故引之又引張氏地理記者水經註引張晏云不相為牝牡故以名山即其文也水經註又引杜彥遠云同穴止處養子互相哺食長大乃止

鶴鶡鶡鶡如鶡短尾射之銜矢射人註或說曰鶡鶡鶡

鶡一名嘜羿

正義說文作鶡專畱踈如誰短尾射之銜矢射人廣韻作鶡鶡註一名嘜羿○

正義

釋文云嘜字又作惰字書云古以為懈惰字羿古之善射者言此鳥捷勁雖羿之善射亦懈惰不敢

射也因為名云郭氏圖讚云鶡鶡之鳥一名嘜羿應弦銜矢矢不著地逢蒙縮手養由不覘

鶡鶡醜其飛也獲

註

疎翅上下鳶鳥醜其飛也翔註布

翅翱翔鷹隼醜其飛也翬註鼓翅翬翬然疾鳧雁醜

其足蹠

註

脚指間有幕蹠屬相著其踵企註飛即伸

其脚跟企直鳥鶡醜其掌縮註飛縮脚腹下

正義此別鳥類

飛之異狀也○鶡鶡至也獲○鶡與伯勞之類其飛不能翱翔斂足相與上下莊子所謂翮翮狹狹進不

敢爲前退不敢爲後也。獮說文作𦏧云歛足也。○鳶
鳥至也。翔。○鳶說文作鷲鷲鳥也。夏官射鳥氏以弓
矢毆鳥鳶。鄭註鳥鳶喜鈔盜便汗人。鳶鳥之類其飛
爲翔。說文云翔回飛也。高誘淮南註云翼上下曰翺
直刺不動曰翔。○鷹隼至也。翬。○秋官翬氏掌攻猛
鳥。鄭註以猛鳥爲鷹隼之屬。說文云隼鷲鳥也。詩疏
引陸璣疏云隼鷲屬也。齊人謂之擊征。或謂之題肩
或謂之雀鷹。春化爲布穀者是也。鷹隼之類其飛也
翬。小雅斯干云如翬斯飛。疏引舍人云謂鷹鷲之屬
翬。翬其飛疾羽聲也。說文云翬大飛也。○鳧雁至踵
企。○夏官射鳥氏掌射鳥。鄭註鳥謂中膳羞者。鳧雁
之屬。鄭風女曰雞鳴云弋鳧與雁。鄭箋云往弋射鳧
雁以待賓客爲燕具。古者以雁爲贄。春秋繁露云雁
乃有類於長者。長者在民上必施然有先後之隨。必
淑然有行列之治。故大夫以爲贄。鳧雁之屬其足蹠
者謂其足指有幕肉相連屬也。其踵企者小雅斯干
云如企斯翼。說文云企舉踵也。衆經音義引通俗文
云舉踵曰企。顏師古漢書註云企謂舉足而竦身。○

鳥鵲至掌縮。鳥與鵲其飛之勢殊而其掌皆縮。廣韻引文字音義云鳥鵲醜其飛掌縮在腹下。

亢鳥隴

註

隴謂喉隴亢即咽其根

註

隴者受食之處

別名隴今江東呼根

正義

此釋鳥咽及鳥齧之名也。亢鳥隴者釋文引舍人云亢鳥

高飛也隴隴財可見也樊光云亢星鳥也隴隴亢鳥之頸也案邶風云頡之頡之蓋鳥上飛則見其隴樊

光以亢為星名非也其根隴者釋言云根糧也。釋獸齧屬云鳥曰隴郭氏以為咽中裹食處也。

鶉子鳩鴛子鶉

註

別鶉鶉鶉之名雉之暮子為鶉

註

晚

生者今呼少雞為鶉

正義

鶉為蝦蟇所化鴛為日鼠所化化生之後便有雌雄遂有

卵生今人於田野間時得鶉卵是也此為別其名鶉之子名為鳩鴛之子名為鶉也雉之暮子為鶉說文

鶉作雞雉子之晚而生者也淮南時則訓云天子以雞嘗黍高誘云春鶉也雞之少者亦名鶉

鳥之雌雄不可別者以翼右掩左雄左掩右雌

正義說文云雄

鳥父也雌鳥母也此釋其形之不可別者也小雅白華云鴛鴦在梁戢其左翼鄭箋云斂左翼者謂右掩左也鳥之雌雄不可別者以翼右掩左雄左掩右雌陰陽相下之義也周禮疏引爾雅云飛曰雌雄走曰牝牡蓋爾雅舊註之文急就篇云雌雄牝牡相隨趨顏師古云飛曰雌雄走曰牝牡詩曰雄狐綏綏書稱牝雞無晨亦互言之無所滯也案此篇上文云鶉鶉其雄鶉其牝痺已互言之矣

鳥少美長醜為鶉鶉

正義鶉鶉猶留離詩所謂留離之子

正義此即上文土臬之類也詩釋文引爾雅作少美而長醜為鶉鶉詩疏引陸璣疏云流離臬也自關而西謂臬為流離其子適長大還食其母故張真云鶉鶉食母許慎云臬不孝鳥是也
正義鶉鶉說文作鶉離聲之轉也邶風燕云瑣兮尾兮流離之子毛傳瑣尾少好之貌流離鳥也少好長

醜詩釋文云
流本又作鷓

二足而羽謂之禽四足而毛謂之獸

正義此別禽獸之異也聘禮記云宰

夫始歸乘禽小雅吉日云搏獸于敖皆以毛羽為分
堯典云鳥獸毛毳鳥獸毼毛是鳥亦稱毛矣曲禮疏
云語有通別別而言之羽則曰禽毛則曰獸所以然
者禽者擒也言鳥力小可擒捉而取之獸者守也言
其力多不易可擒先須圍守然後乃獲故曰獸也通
而為說鳥亦可曰獸獸亦可曰禽故曲禮鸚鵡不曰
獸而猩猩通曰禽也易曰王用三驅失前禽則驅走
者亦曰禽也又周禮司馬職云大獸公之小禽私之
以此而言禽未必皆鳥也又康成註周禮云凡鳥獸
未孕曰禽周禮又云禽作六贊卿羔是禽中亦有羔
也白虎通云禽者鳥獸之總名以其小獸可擒故得
同名禽也案孔疏推言禽獸之通稱是也考工記云
天下之大獸五脂者膏者羸者羽者鱗者是獸之名
所該者廣魯語謂水虞登川禽韋昭注云鼈蜃之屬

是水族亦稱禽也

鷓伯勞也

註

似鷓鴣而大左傳曰伯趙氏

正義

詩疏引李巡云伯勞

一名鷓通作鳩夏小正云五月鷓則鳴鷓者百鷓也鳴者相命也月令仲夏之月鷓始鳴鄭註鷓搏勞也通卦驗云小暑伯勞鳴藝文類聚引通卦驗云伯勞性好單棲其飛攬其鳴啾啾夏至應陰而鳴冬至而止疑連引通卦驗舊註或所見本異也高誘呂氏春秋註云鷓伯勞也是月陰作於下陽發於上伯勞夏至後應陰而殺蛇磔之於棘而鳴其上淮南時則訓註云五月陰極於下搏勞應陰而鳴是鷓之始鳴不出五月不必定在夏至之日也豳風云七月鳴鷓鄭箋云豳地晚寒鳥物之候從其氣焉詩疏引陳思王惡鳥論云伯勞以五月鳴應陰氣而動陽為生仁養陰為殺殘賊伯勞蓋賊害之鳥也離騷云恐鷓鴣之先鳴兮使夫百草為之不芳此鳥應陰而鳴陰氣寢進則草木零落騷人預見其兆矣

註

似鷓至趙氏

正義 釋文引字林云鵲鵲似伯勞而小左氏昭十七年傳云伯趙氏司至者也疏引樊光曰春秋云伯趙氏司至伯趙鳩也以夏至來冬至去又引蔡邕云鵲伯勞也一日伯趙應時而鳴為陰候也

倉庚鵯黃也

註

其色鵯黑而黃因以名云

正義

說文云鵯黃一名楚

雀其色鵯黑而黃詳見上 **註** 其色至名云 **正義** 鵯黃方言作鵯黃郭氏彼註云其色鵯黑而黃因名之與此同

爾雅正義卷第十八

爾雅正義卷第十九

文淵閣校理翰林院編修加二級教習庶吉士充國史館纂修官邵晉涵撰集

釋獸第十八

釋 說文云獸守備者自豸魚既與獸臣司原物盡其性虞書云百獸率

舞公羊疏引鄭註云百獸服不氏所養者也率舞言其和也大司徒土會之法山林其動物宜

毛物原隰其動物宜羸物後鄭謂毛物貂狐貉貉之屬縟毛者羸物虎豹貔獬之屬淺毛者上

古淳化百物猛獸可馴服不氏掌之而獸人所掌則主於辨其名物此篇所釋牝牡之名毛角

之狀其性各殊則有善登善顧其形負異則為迅頭短脰其與畜相似則驩如馬羆如羊兕似

牛犀似豕所為辨其名物也虎豹羆羆之屬為害於人者則冥氏攻猛獸以靈鼓毆之穴氏攻

螫獸以其物火之山澤之齒角骨物則迹人所徵也庖人掌共六獸鄭司農以麋鹿熊麋野豕

兔為六獸野豕非可常畜而實為豕類故豕見於釋獸上篇釋鳥云四足而毛謂之獸鼠亦四足而毛故鼠屬附見於後
齧屬須屬又推類言之

麋牡麇牝麇其子麇註國語曰獸長麇麇其跡躡註脚

所踐處絕有力狄註說文云麋鹿屬也此為別其類釋其名也麋為六獸之一天官

獸人夏獻麋醢人朝事之豆有麋鶩鄭註以為麋膏散散則涼蓋鹿為山獸屬陽麋為澤獸屬陰陰類故

性涼也左氏宣十二年傳云射麋麗龜杜註云麗著也龜背之隆高當心者也又司裘設射侯則麋侯為

卿大夫所射白虎通義鄉射篇云諸侯射麋者示達迷惑者也麋之言迷也公羊疏引春秋感精符亦云

麋之言迷也是則卿大夫射麋侯亦取其能討擊迷惑也春秋莊十七年冬多麋劉向以為麋色青近青

祥今麋青黑色肉蹠目下有兩孔相傳謂其能夜視也其牡名麇麋之有角者也其牝名麇說文云麇化

麋也詩疏引某氏曰詩云瞻彼中原其麋孔有今毛詩吉日篇作其祁孔有鄭箋謂祁當作麋今澤中之麋少牡而多牝故詩言孔有矣其子名麋或省作天淮南主術訓云不取麋天高誘註麋子曰天也其跡躔者南方麋食澤草踐土成泥謂之麋峻是其迹也其絕有力者名狄麋之屬有麋似麋而長尾說文云麋麋屬也註國語至麋麋○正義魯語里革之詞韋昭註云麋子曰麋

鹿牡麋牝麋其子麋其跡速絕有力麋

正義說文云鹿獸也象頭角四

足之形此釋其類也大戴禮記易本命云六主律律主禽鹿故禽鹿六月而生也盧辨註云麋鹿角長短大小似律麋麋之屬皆以六月生也鹿能別良草食則相呼行則同旅淮南秦族訓云鹿鳴興於獸而君子大之者取其見食而相呼也說文云鹿之性見食急則必旅行禮麗皮納聘蓋鹿皮也其牡名麋鹿之有角者黃質而白斑說文云麋牡鹿以夏至解角月令云仲夏之月鹿角解鹿為陽獸夏至得陰氣而解

角從陽退之象也其牝名麀左氏襄四年傳云思其
 麀牡鄭康成曲禮註云鹿牝曰麀今麀鹿無角毛雜
 黃白色而無斑鹿性多羣聚夏小正云八月鹿人從
 鹿人從者從羣也鹿之養也離羣而善之離而生非
 所知時也故記從不記離君子之居幽也不言或曰
 人從也者大者于外小者于內率之也鹿之子名麀
 地官迹人云禁麀卵者王制云不麀不卵鄭註云重
 傷未成物也麀卵之禁通行於四時然春時禁之特
 嚴至於秋物備成間有取之者天官庖人云秋行饋
 麀士相見禮云如麀執之鄭註云秋獻麀或曰麀孤
 之贅也鹿之迹名速說文作麀鹿迹也爾雅東山云
 町疇鹿場即鹿所踐矣其絕有力者名麀說文作麀
 齊風還云並驅從兩肩兮文選註引薛君章句云獸
 三歲為肩與毛傳同鄭司農周禮註又以四歲為肩
 皆無依据賈公彥以為
 即鹿之絕有力者也

麀牡麀

註

詩曰麀鹿麀麀鄭康成解即謂此也但重言

耳牝麋其子麋其跡解絕有力豨

正義說文云麋麋也籀文作麋麋麋

屬今麋無角而黃黑色是麋之屬也召南云野有死麋鄭註考工記云齊人謂麋為獐釋文引陸璣疏云

麋麋也青州人謂之麋麋性從羣而集故羣集謂之麋至呂氏春秋博志篇云使獐疾走馬弗能至已而

得者其時顧也高誘註云反顧稽其時故見得也淮南主術訓云鹿之上山獐不能跋也蓋麋為麋屬陰

性多疑故走不及鹿矣別其類則其牡各麋俗謂之牙麋因其有牙也其牝各麋即麋之無牙者也然牙

麋雖有牙而不能噬猶鹿有角而不能觸也其子各麋其跡名解絕有力者名豨爾風七月云獻豨于公

說文引詩作並驅從兩豨兮豨麋音同凡鹿麋子絕有力者通得名豨**註**詩曰至言耳○**正義**詩小雅吉

日文鄭箋云麋牡曰麋麋復麋言多也是麋麋為重言也說文作麋鹿嘓嘓麋鹿羣口相聚兒與鄭箋異

詩疏引郭氏音義云麋或作麋或作麋

狼牡獾牝狼其子獾絕有力迅

正義詩疏引舍人云狼牡名獾牝名狼其子名

獾說文云狼似犬銳頭白頰高前廣後天官獸人冬獻狼鄭註以為狼性聚聚則溫也爾風云狼跋其胡載壹其尾埤雅引毛詩草蟲經云老狼項下有袋求食滿腹向前行乃觸之退後又自踏踐上壹其尾進退有患故詩以况跋前壹後詩疏引陸璣疏云其鳴能小能大善為小兒啼聲以誘人去數十步其敏捷者雖善用兵者不能免也其膏可煎和皮可為裘故禮記狼觸膏又曰君之右虎裘其左狼裘是也案狼善驚人故鄭康成以狐狼之屬為秋官庭氏所射者管子兵法篇舉狼章則山行以狼為山獸也狼之絕有力者名迅詩疏引孫炎云迅疾也

兔子嬈

註

俗呼曰嬈其跡迹絕有力欣

正義

說文云兔獸名兔謾詛善

逃也小雅小弁云趨趨往來逃匿其迹有時遇夫得之文韓詩章句云趨趨往來逃匿其迹有時遇夫得之文

子尚德篇云兔走歸窟齊策亦謂狡兔有三窟今兔
穴有三孔獵者攻之則自前躍出潛自後入獵者轉
以是得之矣兔之精在目故曲禮云兔曰明視孔疏
謂兔肥則目開而視明也王肅云目精明皆肥貌也
兔之子名嬖說文作媿云兔子也媿疾也論衡謂兔
舐毫而孕及其生子從口而出也其跡迹者方言云
迹迹也說文云迹獸迹也釋名云迹者行不由正亢
陌山谷草野而過也絕有力者各欣說文以兔之駿
者為媿詩疏引倉頡解詁亦云媿大兔也註俗呼曰
媿○正義廣雅云媿媿媿兔子也釋文引字林云媿
也 免子

豕子豬

註

今亦曰豨江東呼豨皆通名豨豨註俗呼小

豨豬為豨子豨幼

註

最後生者俗呼為豨豚奏者豨

註

今豨豬短頭皮理勝蹙豨生三豨二師一特註豬

生子常多故別其少者之名所寢櫨註櫨其所臥蓐

四獠皆白豭註詩云有豕白臠臠蹄也其跡刻絕有

力貳註卽豕高五尺者牝貳註詩云壹發五貳正義孔穎

達云豕有野豕因記於釋獸此別其類也○豕子猪

○說文云豕彘也竭其尾故謂之豕彘豕也後臠廢

謂之彘猪豕而三毛叢居者曲禮云豕曰剛鬣豕以

毛鬣爲辨也○獠豢○舊疏引舍人云獠一名獠說

文云獠豢豕也易釋文引說文作獠劇豕也今俗猶

呼劇猪大畜文辭云獠豕之牙崔憬云豕本剛突劇

乃性和雖有其牙不足害物也○豕幼○凡物之小

者謂之豕故豕之幼者爲豕豚釋文引字林云小豚

也淮南主術訓云先王之法彘不期年不得食是字

幼之政不遺於禽獸也○奏者豨○此釋猪種之異

言豕理豨豨謂之豨內則言不食之物豕望視而交

睫睫之疏云腥謂肉結如星望視謂豕視望揚交睫

謂目眈毛交豕若如此則其肉似星是其類也○豕
生至一特○豕以生少為異生三子為縱二子為師
一子為特召南騶虞云一發五縱鄭箋云豕生三日
縱疏引鄭志張逸問曰豕生三日縱不知母豕也豚
也答曰豚也過三以往猶謂之縱案縱多異說幽風
七月云言私其縱毛傳云一歲曰縱大司馬云大獸
公之小獸私之一歲之獸為小獸也齊風還傳云三
歲曰豨魏風伐檀傳云三歲曰特王肅以為三歲者
有二名鄭司農註大司馬云一歲為縱二歲為豨三
歲為特四歲為肩五歲為慎說文云縱生六月豚一
曰一歲縱尚叢聚也此皆舊時相傳異說與雅義殊
○所寢檜○詩疏引舍人云豕所寢草名為檜李巡
云豬臥處名檜某氏云臨淮之間謂野豬所寢為檜
案禮運云夏則居檜巢鄭註夏則聚薪柴居其上是
上古穴居野處檜亦為人所居既有宮室則檜為豕
所寢矣方言云其檜及蓐曰檜今牧豕者積草以居
之旁為之檻大雅公劉云執豕于牢孟子云既入其
苙牢也苙也皆所以為之檻也○四臠皆白豨○豕

之四蹄皆白者名孩此豕之異種猶遼東之白頭豕
 矣○其跡刻○豕能負塗故記其迹焉迹名爲刻○
 絕有力貌○今養猪有高大者剛突尤甚其名爲貌
 玉篇作貌○牝豕○說文云豕牝也其牡者直謂
 之豕**註**今亦至通名○**正義**方言云猪北燕朝鮮之
 間謂之豕關東西或謂之豕或謂之豕南楚謂之豕
 其子或謂之豚或謂之豕吳揚之間謂之猪子漢書
 註引鄧展云東海人名猪曰豕皆其通語也○俗呼
 至豕子○**正義**豕子爲豕猪之小者墨子非儒篇云
 豕豕起以其善突也易釋文引劉氏云豕去勢曰豕
 爾雅釋文云豕謂健猪俱與郭異○**正義**其所臥蓐○
正義檜亦名茆苻淮南修務訓云野豕有茆苻高誘
 以爲蓐也廣雅云檜圍也○詩云至蹄也○**正義**小
 雅漸漸之石文鄭箋云四蹄皆白曰駭白蹄其尤躁
 疾者孔疏謂爾雅此文以釋詩之白蹄駭與孩字異
 義同又引孫炎云蹄蹄也○詩云至五豕○**正義**召
 南騶虞文毛傳云豕牝曰豕

虎竊毛謂之號貓

註竊淺也詩曰有貓有虎

義方言云虎陳魏宋楚之間或謂之李父江淮南楚之間謂之李耳或謂之於彪自關東西或謂之伯都虎毛文彪縟其淺

毛者名號貓說文作號苗**註**竊淺至有虎○**註**竊淺也義本說文詩曰有貓有虎大雅韓奕文毛傳云

貓似虎而淺毛者也逸周書世俘解云禽虎二十有二貓二

獠白豹

註似熊小頭庠脚黑白駁能舐食銅鐵及竹骨

骨節強直中實少髓皮辟溼或曰豹白色者別名獠

義

說文云獠似熊而黑黃色出蜀中釋文引字林云似熊而白黃出蜀郡一名白豹是獠為白豹也王

會篇云不令之元獠則獠又是黑色蓋以其黑毛而白臆故各據所見言之矣**註**似熊至名獠○**註**史

記索隱引張揖云獠似熊庠脚銳髻骨無髓食銅鐵

與郭註同郭註山海經又以為毛淺有光輝能食蛇

也劉逵魏都賦註引魏完南中志云貆獸毛黑白臄似熊而小以舌舐鐵須臾便數十斤出建寧郡郭又引或說者詩疏引陸璣云毛赤而文黑謂之赤豹毛白而文黑謂之白豹釋文引字林云豹似虎其文

魋白虎

註

漢宣帝時南郡獲白虎獻其皮骨爪牙臄黑

虎

註

晉永嘉四年建平秭歸縣檻得之狀如小虎而

黑毛深者為斑山海經云幽都山多豸虎豸豹也

正義

此釋虎白黑之異名也魋當作彪說文云彪白虎也

臄黑虎也逸周書王會篇云般吾白虎屠州黑豹黑

豹即黑虎之類此因毛色之異而別其名

爪牙○**正義**漢書郊祀志云宣帝時南郡獲白虎獻

其皮牙爪上為立祠案漢儒以白虎擾為思睿信立

之應四子講德論又以為偃武修文之應沈約宋書

列於符瑞志然南齊屢見白虎不為瑞也○晉永至

豹也○**正義**說文繫傳引郭註云建平秭歸縣檻得

黑虎如小虎而黑毛深為斑與此詳畧稍異郭又引
山海經者海內經云北海之內有山名曰幽都之山
其上多元豹元虎郭氏彼註云黑虎名儻又中山經
云卽谷之山多元豹郭氏云黑豹也卽今荊州山中
之黑虎也晉書地理志建平郡秭歸
縣屬荊州今為湖北宜昌府歸州

𧆏無前足

註

晉太康七年召陵扶夷縣檻得一獸似狗
豹文有角兩足卽此種類也或說𧆏似虎而黑前無

兩足

正義

此兩足之獸名為𧆏也說文引漢律云能
捕豹𧆏購百錢釋文云字又作𧆏押韻釋疑云

納

豹屬無前足能捕鼠**註**晉太至兩足○**正義**西山

經云玉山有獸焉其狀如犬而豹文其角如牛其名

曰狡郭氏彼註云晉太康七年邵陵扶夷縣檻得一

獸狀如豹文有兩角無前兩腳時人謂之狡疑非是

此蓋當時檻得異獸人以爲卽山海經之狡郭氏以

意定爲𧆏之類也藝文類聚引王隱晉書云太康六

年荆州送兩足虎晉書地理志邵陵郡扶夷縣屬荆州此即郭氏所說以七年為六年傳聞之異詞耳晉書帝紀太康六年南陽郡獻兩足獸南陽疑係召陵之訛也郭又引或說猶似虎而黑前無兩足者釋文引字林云獸無前足似虎而黑郭註本字林

鼯鼠身長須而賊秦人謂之小驢

註

鼯似鼠而馬蹄一

歲千斤為物殘賊

正義

此即鼠屬所謂鼯鼠而郭氏兩釋之則此為獸而非鼠矣身長

須而賊廣韻引爾雅無而賊二字秦人謂之小驢疑漢初傳爾雅者所增入也說文云驢似馬長耳註鼯似至殘賊○**正義**鼯鼠一歲千斤為世所罕聞未知郭氏何所本也晉書郭璞傳云有物大如牛灰色里脚類象胸前尾上皆白有力而遲鈍璞案卦名之是為驢鼠蓋即其類也

熊虎醜其子狗絕有力麀

註

律曰捕虎一購錢三千其

狗半之 **正義** 左傳疏引李巡云熊虎之類其子各狗

之所謂熊是說文云熊獸似豕山居冬蟄夏小 **正義** 云

九月熊羆豹貉鼪鼯則穴即秋官穴氏所攻之蟄獸

也熊與虎同為山獸之猛者故其子同名為狗絕有

力者同名為麋也古以熊配虎為旗又同以為射侯

天官司裘云王大射則共熊侯虎侯豹侯即夏官射

人所設之三侯也白虎通義鄉射篇云天子所以射

熊何示服猛巧佞也熊為獸猛巧者非但當服猛示

當服天下巧佞之臣也大夫射虎豹者示服猛也今

熊山行數十里悉有踈伏之所在層巖枯木間山中

人謂之熊館猛獸中信為巧者矣 **律** 曰至半之 **○**

狸子

註

今或呼羆狸狔子貍 **註** 其雌者名緹今江東

呼貉為狻狻貓子貍 **註** 貓豚也一名獾 **正義** 狸狔貓

正義 此引漢律以證虎子也張揖上林賦註熊犬身

人足黑色故熊子亦名狗玉篇作狗熊虎之子也

狸為狐類。狸似狐而與貓同穴。故連而及之。釋其子
 之名焉。○狸子隸。○說文云：狸，伏獸，似羆。夏官射人
 云：若王大射，則以狸步張三侯。後鄭云：狸善搏者也。
 行則止而疑度焉。其發必獲，是以量侯道法之也。今
 狸有所伺捕趨縮之步不失尺寸，如鄭君所云也。狸
 口方而身有黃黑文，故楚詞九歌謂之文狸。其子名
 隸。釋文云：諸家作肆，或作隸。舍人本作隸。○豹子，
 豹。○說文云：豹，似狐，善睡。論語曰：狐豹之厚，以居。今畜
 豹者，扣之即寤。已而復寐，其毛細縹，為裘者尚之。經
 典通作貉。考工記云：貉，踰汶則死。釋文云：貉獸名，依
 字作貉。其子各名。魏風伐檀云：胡瞻爾庭有縣貆兮。
 鄭箋云：貉子，貆。地官草人云：鹹瀉用貆。鄭註云：貆，
 也。賈疏引爾雅：貆，子。貆，或曰：貆是貆。本或作貆。周禮
 釋文引干寶註：以貆為六獸之一也。○貆子，縹。○說
 文云：貓，獸也。玉篇云：貓，似豕而肥。釋文引字林與說
 文同：貓之子名為縹。註：今或呼縹。縹，○正義釋文引
 字林云：縹，狸也。陶註：木草謂縹，有數種。有虎縹，有貓
 縹，亦有色黃而臭者。○其雌至狹，縹。○此廣其異名。

也釋文引字林云狸雖豹狽謂之狸廣雅云狽狽也爾雅翼引詩義問云貉子名貉形狀與貉異。獾豚至名獾。正義後世所謂獾猪也獾一名獾淮南齊俗訓云獾貉得唾防弗去而綠高誘註獾豚豚也今獾猪善攻岸修隄防者惡之方言云獾關西謂之獾郭註本方言

貌白狐其子毅

註一名執夷虎豹之屬

正義書疏引舍

其子名毅說文云貌豹屬收誓云如虎如貌禮記疏引鄭註云其威當如獸之將攫搏也貌北方之獸故大雅韓奕云獻其貌皮古者載其皮於旌旗以服猛曲禮云前有鷲獸則載貌貉鄭註貌貉亦擊獸也毅為其子之名而形狀殊異漢書音義云毅白狐子郭氏上林賦註云毅似鼪而大要以後黃一名黃要食獾猴註一名至之屬。正義釋文引陸璣疏云貌似虎或曰似熊一名執夷一名白狐其子為毅遼東人謂之白羆郭氏註上林賦又云貌執夷虎屬也與此註畧同

麝父麝足

註

脚似麝有香

正義

太平御覽引說文云麝黑色麝如小麋臍有香今本

說文無黑色麝三字麝之足似麝故曰麝足釋文引

字林云如小鹿有香李巡本作澤父云澤父獸名

脚似麝有香。 **正義** 郭註西山經

云麝似獐而小有香與此義同

豺狗足

註

脚似狗

正義

說文云豺狼屬狗聲夏小正云十月豺祭獸善其祭而食之也高誘

註呂氏春秋云豺似狗而長毛其色黃於是月殺獸

四圍陳之世所謂祭獸文子上仁篇云豺未祭獸宜

孚不得通於野是古者以為冬狩之候焉其性善搏

噬故師旅取其象牧誓云如熊如羆史記引作如豺

如離衆經音義引倉頡解詁云豺似狗白色爪牙

迅利善搏噬也四子講德論云牧獸者不畜豺

羆猯似狸

註

今山民呼羆虎之大者為羆猯

正義 猯獸

下文羆似狸名狀相同而實為二獸謝靈運山居賦

註云猯似羆而長痕之屬一曰羆說文云猯狼屬釋

文引字林亦云猥狼屬一日貍也。今山至貍豺。狀似過於長聞者疑焉。廣韻謂猥豺長八尺差為近之。豺者郭註子虛賦云野犬似狐而小。釋文引字林與郭註同說。文云豺或作狴。

羆如熊黃白文

註

似熊而長頭高脚猛愍多力能拔樹

木關西呼曰貍羆

正義

詩疏引舍人云羆如熊色黃白也。孫炎曰書云如熊如羆羆為

熊類而力大於熊有赤黃二種而古者以黃為貴大雅韓奕云赤豹黃羆王會篇載諸國所獻有黃羆淮南道應訓亦謂散宜生得元豹黃羆以為獻皆取羆之黃者禹貢以熊羆狐狸為梁州之貢是貢羆之始也。詩疏引陸璣疏云羆有黃羆有赤羆大於熊其脂如熊白而麤理不如熊白美也。案陸疏以食味言之小雅大東云熊羆是裘則羆皮可為裘矣。似熊至貍羆。正義羆與熊相似古人多連舉淮南說山訓

云熊羆之動以攫搏高誘云熊羆多力故能攫搏郭
 註山海經云羆似熊而黃白色猛愨能拔樹與此註
 畧同郭又云關西呼曰貊羆者据時驗也今獵者不
 知有羆而分熊為三種曰猪熊曰馬熊曰人熊柳宗
 元謂鹿畏羆羆畏虎虎畏羆羆之狀被
 髮人立而甚害人是以人熊為羆矣

麕大羊

註

麕羊似羊而大角圓銳好在山崖間

說

大羊而細角張揖子虛賦註野羊麕羊也似羊而青
 顏師古云野羊今所謂山羊也非麕羊矣後漢書西
 南夷傳作靈羊云能療毒 **註**麕羊至崖間 **註**郭
 註山海經云麕似羊而大角細好在山崖間與此註
 畧同陶註本草云今出建平宜都諸蠻中及西域多
 兩角者一角者為勝角甚多節蹙蹙員繞別有山羊
 角極長唯一邊有節節亦疎大而不入用羗夷云只
 此名麕羊甚能步峻短角者名山羊案麕羊與山羊
 相似以角為異麕羊夜宿以角掛樹不著地人得其
 角彎中深銳猶有掛痕山羊即下文羗羊詳見下

麇大麇牛尾一角註漢武帝郊雍得一角獸若麇然謂

之麟者此是也麇即麇正義說文云麇大鹿也牛尾

者王會篇云發人麇麇者若鹿迅走管子地員篇云

既有麇麇又且多鹿是麇為鹿之屬註漢武至即麇

○正義史記封禪書云郊雍獲一角獸若麇然有司

曰陛下肅祇郊祀上帝報享錫一角獸蓋麟云索隱

引韋昭云體若麇而一角春秋所謂有麇而角是也

楚人謂麇為麇郭引漢武時事以為漢武所獲者即

麇也然漢書終軍傳云從上雍獲白麟一角戴肉今

麇未聞其戴肉其別為一獸與郭又云麇即麇者麇

即是麇即韋昭所云楚人謂麇為麇也然麇為鹿屬

其肉特美陸璣所謂四足之美有麇顏師古郊祀志

註謂麇為鹿屬形似麇是矣衆經音義引爾雅註

云麇即麇也黑色耳疑今本郭註脫黑色耳三字

麇大麇旄毛狗足註旄毛獯長正義說文云麇大麇也

所謂大麋當係大麋之訛麋籀文作麋即獐也山海經云女几之山其獸多麋麋今所在山中有之其大

者大於獐然小於獐者特多毛長而足短善騰躍好登山峯夜鳴如老人欬笑壯者有短角註旄毛獐長

○正義釋文引字林云獐多毛犬也麋皮細縟今人或以為履

黉如小熊竊毛而黃註今建平山中有此獸狀如熊而

小毛廔淺赤黃色俗呼為赤熊正義黉即熊之類也釋文引字林云獸如

熊黃而小竊毛者淺毛也夏官方相氏掌蒙熊皮鄭註云目熊皮者以驚駭疲瀉之鬼如今魃頭魃聲

相近魃即熊類故蒙熊皮者謂之魃矣

狻類羆虎爪食人迅走註迅疾正義狻類與羆相類

羆也物類相感志引孫炎云獸中最大者龍頭馬尾虎爪長四尺善走以人為食遇有道君隱藏無道君

出食人矣高誘淮南註云獬豸獸名狀若龍首或曰似狸善步而食人此不經見之獸故說者多異辭狸狀似狸故亦云似狸註迅疾○正義釋詁文北山經云少咸之山有獸焉狀如牛而赤身人面馬足名窵窵其音如嬰兒海內南經云窵窵龍首海內西經云窵窵者蛇身人面所說形狀與雅訓殊郭所不取

後麕如麋貓食虎豹註

即獅子也出西域漢順帝時疎

勒王來獻犂牛及獅子穆天子傳曰後狻日走五百

正義說文云後麕獸也如麋貓食虎豹者又云狻

其以後麕與虎並舉與麋貓為虎之淺毛者後麕與相似力猛能食虎豹又能搏象而殺之註即獅子百

里○正義後世俱謂後麕為獅子後漢書孝順帝紀云陽嘉三年疎勒國獻獅子犂牛註引東觀漢紀云

疎勒王遣使文時詣闕獻獅子似虎正黃有頓形尾端毛大如斗郭又引穆天子傳者傳云後麕野馬行

五百里今相傳獅子走最迅疾日行不止五百里云五百里者約舉之詞也

驪如馬一角不角者騏 **註** 元康八年九真郡獵得一獸

大如馬一角角如鹿茸此即驪也今深山中人時或

見之亦有無角者 **正義** 公羊疏引舍人云驪如馬而有一角不有角者名騏王會篇云

俞人雖馬孔晁註云雖馬驪如馬一角不角者騏子

虛賦謂之游騏張揖註引爾雅此文為證也 **註** 元康

至角者 **正義** 晉書地理志九真郡屬交州蓋當時獵得一角之獸郭氏舉類以况也

獬如羊 **註** 獬羊似吳羊而大角角橢出西方 **正義** 獬羊似常畜之

羊而大說文云覓山羊細角也讀若九繫傳云本草

註覓羊似麀羊角有文俗作獬後漢書以為鮮卑有

野馬獬羊也釋文引字林云野羊大角野羊即山羊 **註** 矣 **正義** 獬羊至西方 **正義** 吳羊即釋畜所謂粉羊也

獬羊似之而角大顏師古急就篇註云西方有野羊
大角牡者曰獬牝者曰羴並以時墮角其獬羊角尤
大今人以爲鞍橋羴角差小可以爲刀子把爾雅曰
獬如羊卽此也今獬羊出甘肅西寧府大者重百斤
角環盤郭云角橢者謂其狹而長
也後漢書註引郭註無角橢二字

麇麇身牛尾一角

義正

詩疏引李巡云麇瑞應獸名孫炎云靈獸也說文云
麇牝麒也麒仁獸也麇身牛尾一角案說文以麟爲
大牝鹿今經典多作麒麟假借字也周南云麟之趾
毛傳云麟信而應禮以足至者也禮運云麟以爲畜
則獸不狘大戴禮記易本命云有毛之蟲三百六十
而麒麟爲之長禮記疏引京房易傳云麟麇身牛尾
馬蹄有五彩高丈二又引服虔左傳註云麟中央土
獸上爲信信禮之子修其母致其子視明禮修而麟
至詩疏引陸璣疏云麟麇身牛尾馬足黃色圓蹄一
角角端有肉音中鐘呂行中規矩遊必擇地詳而後

處不履生蟲不踐生草不羣居不侶行不入陷穿不
 罹羅網王者至仁則出今并州界有麟大小如鹿非
 瑞應麟也故司馬相如賦曰射麋脚麟謂此麟也
 角頭至而角○**麟**角頭有肉者麟趾毛傳云麟角
 所以表德也鄭箋云麟角之末有肉示有武而不用
 禮記疏引廣雅云文章斌斌故呼為大角之獸今本
 廣雅無此語公羊傳曰有麋而角者哀十四年傳文
 孔叢子作有麋肉角麋即麋也郭氏引以證麋為麋
 也身

猶如鹿善登木

註健上樹

義猶獸狀如麋以其善援

上樹故說者以為麋屬曲禮

云定猶與也孔疏引說文云猶獸名麋屬與亦是獸
 名象屬此二獸皆進退多疑人多疑惑者似之也與
 豫古字通此以猶豫為二獸然舊說多謂猶獸能豫
 防不以豫為獸名顏氏家訓云猶獸名也既聞人聲
 乃豫緣木如此上下故稱猶豫顏師古漢書註云此
 獸性多疑慮常居山中忽聞有聲即恐有人且來害

之每豫上樹久之無人然後敢下須臾又立如此非
一故不決者稱猶豫焉此皆言如磨之獸善登木也
或以猶為犬名常豫在人前殊非雅義史記索隱引
崔浩說謂猶猿屬叩鼻長尾性多疑按叩鼻者乃雌
而非猶也

肆修毫

註

毫毛長

正義

肆說文作第云脩豪獸又云豪

俗別作毫非是長楊賦云拖豪豬類師古云豪豬一
名彘豬自為牝牡者也**註**毫毛長○**正義**方言云脩
長也廣雅云龍毛謂之毫文
選註引聲類云毫長毛也

羆似狸

註

今羆虎也大如狗文如狸

正義

羆似虎而五爪以立秋殺物故

漢有羆劉之祭鄭註夏官射人云今立秋有羆劉鹽
鐵論亦謂涼風至殺氣動天子行微刑始羆劉以順
天氣漢書蘇林註云羆虎屬常以立秋祭獸王者亦
以是日出獵遂以祭宗廟故有羆膾之祭**註**今羆至

如狸正義郭註子虛賦云狸似狸而大釋文引字林與子虛賦註同

兕似牛

註

一角青色重千斤

正義

說文云兕如野牛青毛其皮堅厚可制鎧古者

射兕以服猛故鄉射禮云大夫兕中兕善觚觸故又

比戰士也淮南說山訓云兕牛之動以觚觸是也兕

皮為甲堅厚勝於犀甲考工記函人為甲兕甲壽二

百年犀甲壽百年吉日云瘞此大兕晉語云唐叔射

兕於徒林瘞以為大甲蓋取其皮之堅矣兕角可以

為酒觥說文云觥兕牛角可以飲者也其狀觥然

詩疏引韓詩說兕觥以兕角為之容五升郭氏圖讚

所謂皮充武備角助文德也註一角至千斤正義

詩疏引某氏云兕牛千斤是郭氏所本也郭註山海

經云兕似水牛青色重千斤三字疑衍文也左傳

疏引劉欣期交州記云兕出九德有一角角長三尺

餘形如馬鞭柄

犀似豕

說

形似水牛豬頭大腹庫脚脚有三蹄黑色三

角一在頂上一在額上一在鼻上鼻上者即食角也

小而不櫛好食棘亦有一角者

正義說文云犀南徼外牛一角在鼻一角

在頂似豕地官迹人以時徵齒角骨物犀象其大者

也犀皮堅韌故犀甲七屬掌於函人太平御覽引蔡

邕月令章句亦云犀兕水牛之屬以為甲楯鼓鞞其

角之異謂之文犀伊尹朝獻商書令正南以文犀為

獻吳語云奉文犀之渠章昭註文犀犀角之有文理

者**正義**形似至角者○**正義**左傳疏引交州記云犀出

九德毛如豕蹄有三甲頭似馬有三角鼻上角短額

上頭上角長又引吳錄地理志云武陵沅南縣以南

皆有犀是犀出南方故爾雅九府以犀象為南方之

美也郭註山海經說犀形狀與此註畧同劉達吳都

賦註云犀狀如水牛頭似猪四足類象蒼黑色一角

當額上鼻上角亦櫛也又有小角五寸不墮者性好

食棘口中洒血武陵巴南
山中有之與此註可相證

彙毛刺

註

今蝟狀似鼠

正義

彙說文作齧云蟲似豪豬者或作蝟薛綜西京賦註云蝟

其毛如刺史記龜策傳云蝟辱於鵠集解引郭璞云蝟能制虎見鵠仰地淮南萬畢云鵠令蝟反腹者蝟

憎其意心惡之也今蝟見人則掩而腹下攢毛外刺

圓轉不可搏執相傳虎誤吞之則破其腹而出見鵠則仰腹受啄或曰蝟惡鵠聲仰腹受啄欲掩取鵠而

反為鵠所制也**註**今蝟狀似鼠○**正義**蝟之大者如小狍故說文以為似豪豬小者似鼠郭註山海經云赤毛如刺蝟今蝟多蒼白色聲如犬嗥

狒狒如人被髮迅走食人

註

梟羊也山海經曰其狀如

人面長脣黑身有毛反踵見人則笑交廣及南康郡

山中亦有此物大者長丈許俗呼之曰山都

正義狒狒說文

引爾雅作鬪鬪王會篇云州靡費費其形人身反踵
自笑笑則上脣翕其目食人北方謂之土螻狒狒作
費費因聲近而轉也**註**臯羊至山都○**正義**淮南汜
論訓云山出噪陽高誘註噪陽山精也人形長大而
黑色身有毛若反踵見人而笑郭引山海經者海內
南經文也郭又云交廣及南康郡山中亦有此物者
山海經註云今交州南康郡深山中皆有此物土俗
謂之山都南康今有贛水因有此人因以名水又郭
氏圖讚云狒狒怪獸被髮操竹見人則笑脣蔽其目
終亦號咷反爲我戮劉逵吳都賦註云臯羊喜食人
大口其初得人喜而笑却脣上覆額移時而後食之
人因爲筒貫於脣上待執人人卽抽手從筒中出鑿
其脣於額
而後禽之

狸狐貓獬醜其足蹠**註**皆有掌蹠其跡瓜**註**瓜指頭處

正義狸狐貓獬四獸之類釋其足跡之名也鄭康成
地官註作貂狐貓貉賈疏云言貂不言狸者鄭君所

爾雅卷之三
三

讀爾雅為貂不為狸也說文引爾雅作狐狸獾豸醜其足踰其迹瓜又云獸足謂之番从采田象其掌或人足从煩今經典通作蹠左氏文元年傳云王請食熊蹠而死杜註云熊掌難熟或云熊好舐其掌故熊掌為珍膳是獸掌名為蹠也其跡瓜者說文云瓜獸足踐地也

蒙頌

狀

註

即蒙貴也狀如雌而小紫黑色可畜健捕

鼠勝於貓九真日南皆出之獠亦獼猴之類 **正義** 匡

云蒙頌為獸狀類獠案今嶺南有獠獺若黑白黃狸狀類貓而大常貓見而避之

猿媛

善

援

註

便攀援

善

顧

註

豹獮也似獼猴而大

色蒼黑能攫持人好顧 **正義** 此別媛與攫之異各舉其狀以為別也○猿媛

善援○初學記引孫炎云猿母猴也小雅角弓云無教猿升木毛傳猿媛屬鄭箋云猿之性善登木也說

文云媛善援禹屬徐鉉云今俗別作媛非是案媛與沐猴靜躁不同而狀相類單舉其文則或謂之孫或謂之媛連舉其文則謂之孫媛管子形勢解云緣高出險孫媛之所長而人之所短也又云墜岸三仞人所大難也而孫媛飲焉是並稱孫媛也今孫媛好攀援其飲水輒自高崖或大木上纍纍相接而下飲畢相引而上其為善援信若管子所言矣詩疏引陸璣疏云孫獼猴也楚人謂之沐猴老者為獼長臂者為媛媛之白要者為獼胡媛駿捷於獼猴此就其類而言之母沐獼聲相近實一獸也○獼父善顧○說文云獼母猴也爾雅云獼父善顧獼持人也案沐猴老者為獼故許氏以獼為母猴郭註上林賦亦云能攫搏故云獼也呂氏春秋察傳篇云狗似獼獼似母猴母猴似人高誘註云獼獸名也註獼獼至顧

正義

張揖上林賦註云似獼猴而小博物志謂

其長七尺人行健走名曰獼獼或曰獼獼則郭氏以

為似獼猴而大者是也獼獼乘間而攫故多顧顧郭

氏江賦云孤獼登危而雍容蓋狀其登高顧顧也

威夷長脊而泥

註泥少才力

正義說文云委威聲相近如周

道倭遲韓詩作周道威夷是也虎有夷音是威夷即委虎矣廣韻云虎似虎有角好行水中

麇麇短脰

註脰項

正義麇之牡者為麇鹿之牡者為麇皆短項也說文引作麇羆短脰

贄有力

註出西海大秦國有養者似狗多力獷惡

正義廣韻

云贄獸名似犬郭氏讚云爰有獷獸厥狀似犬飢則馴服飽則反眼出於西海名之曰贄

正義後漢書云大秦國在海西亦云海西國新唐書西域傳云拂菻古大秦也有獸名贄大如狗獷惡

多力太平寰宇記與新唐書同贄傳寫誤作贄

虞迅頭

註今建平山中有虞大如狗似獼猴黃黑色多

髯鬣好奮迅其頭能舉石擲人獮類也

正義說文引司馬相如說

以康為封豕之屬玉篇云封康豕屬也
高誘淮南註以臯羊似遠類遠即康也

蝮叩鼻而長尾

註

蝮似獼猴而大黃黑色尾長數尺似

懶尾末有岐鼻露向上雨即自懸於樹以尾塞鼻或

以兩指江東人亦取養之為物捷健

正義廣雅云狄也尾長四五

尺春官司尊彝有蝮彝又天子冕服十二章五日宗

彝謂畫虎蝮虎取其服猛蝮取其有智也文子尚德

篇云援狄之捷來格淮南說林訓作援狄之捷來乍

高誘云援狄屬仰鼻而長尾乍暫疾也以其操捷來

使疾擊而取之**註**蝮似至捷健**正義**山海經云鬲

山多援蝮郭氏註與此同史記索隱亦云蝮尾端為

兩岐天雨便以尾插鼻兩孔後漢書註云零陵南康

人呼之音餘建平人呼之音相贈遺之遺又音余救

反皆土俗語輕重之不同耳郭氏讚云寓屬之才莫

過於蝮雨則自懸塞鼻以尾厥性雖陋列象宗彝

時善藥領

註

好登山峰

正義 舊疏云好登山峰之一獸也然所未詳

猩猩小而好啼

註

山海經曰人面豕身能言語今交趾

封谿縣出猩猩狀如獾狨聲似小兒啼

正義 王會篇云都郭狨狨

狨狨若黃狗人面能言淮南汜論訓云猩猩知往而不知來高誘云猩猩北方獸名人面獸身黃色禮記

曰猩猩能言不離走獸見人往走則知人姓氏又嗜酒人以酒搏之飲而不能息不知當醉以擒其身案

今曲禮作不離禽獸高註引作走獸所見本異也

山海至兒啼○**正義** 海內南經云狨狨知人名其為獸如豕而人面郭氏彼註云今交州封谿縣出狨狨

土俗人云狀如豚膜如狗聲如小兒啼也太平御覽引爾雅作狨狨小兒啼

闕洩多狨

註

說者云脚饒指未詳

正義 釋文云夙字林或作狨夙為脚指跡

也闕渡
未詳

寓屬

正義題上事也方言云寓寄也上所說諸獸或寄於木或寄於穴郭氏下文註云獼

猴之類寄寓木上後漢書註云寓屬謂穴居之屬是兼熊羆之類言之也鄭註春官司尊

彝引爾雅作禺屬釋文引舍人本作慶屬說文云螻善援禺屬又云禺猴屬獸之愚者也

鼯鼠

註地中行者**正義**說文云鼯地行鼠伯勞所化也

偃鼠飲河不過滿腹今人呼地中鼠為地鼠竊出飲水如莊子所言李頤註以偃鼠為鼯鼠誤矣廣雅作

鼯鼠偃鼯聲相近也釋文云本或作鼯方言謂之犁鼠

鼯鼠

註以頰裏藏食**正義**文選註引李巡云鼯鼠鼯鼯鼠也夏小正云正月田鼠出田鼠

者啗鼠也記時也啗與鼯通墨子非儒篇云鼯鼠藏蓋鼯鼠冬藏穴中故記其出之時也說文云鼯鼯也

貯鼠屬註以頰裹藏食。正義釋文引孫炎云：「鼯者頰裹也。」郭註本孫炎

鼯鼠

註有螫毒者

正義

說文云：「鼯，小鼠也。春秋成七年，鼯鼠食郊牛角，何休云：「鼯鼠，鼠中之微者。」又定十五年，京元年，俱鼯鼠食郊牛角，劉向以為鼠小蟲性盜。

云祭天不慎，鼯鼠食郊牛角，劉向以為鼠小蟲性盜。竊鼯又其小者也。牛大畜祭天尊物也。角兵象在上

君威也。小小鼯鼠食至尊之牛角，象季氏乃盜竊之。人將執國命而傷君威而害周公之祀也。董仲舒以

為養牲不謹，得春秋重祀事之意矣。註有螫毒者。為養牲不謹，得春秋重祀事之意矣。註有螫毒者。

正義春秋集註引孫炎云：「有螫毒如鼠狼，郭祇云：有螫毒者以鼯鼠至微與鼠狼不相似也。玉篇云：鼯鼠小鼠也。螫毒食人及鳥獸皆不痛，今之甘鼠也。釋文引博物志云：鼠之最小者或以為耳鼠。案今俗傳鼯鼠能入人耳，甘而不知痛，其為螫毒不特牛有其害矣。莊子應帝王云：鼯鼠深穴乎神耳之下，以避熏鑿之患。漢書所謂社鼯不灌屋，鼠不熏也。淮南人間訓云：塘漏若鼯穴，一撲之所能塞也。蓋鼯鼠本小，其穴

之患，漢書所謂社鼯不灌屋，鼠不熏也。淮南人間訓云：塘漏若鼯穴，一撲之所能塞也。蓋鼯鼠本小，其穴

自小矣

鼯鼠

註夏小正曰鼯鼯則穴正義說文云鼯鼠也玉篇以為鼠名案高誘淮南註

云田鼠鼯鼯鼠也鼯即地中行之鼯鼠鼯即鼯鼠也註夏小至則穴正義夏小正九月之文蓋蟄以九

月至正月則出為田鼠二月則化為鴛矣

鼯鼠

註今鼯似鼯赤黃色大尾啖鼠江東呼為鼯正義此後

世所謂鼠狼也說文云鼯如鼠赤黃而大食鼠者今鼠狼能捕鼠及禽畜祝雞者患之或追截其尾註今

鼯至為鼯正義說文云貂鼠屬大而黃黑郭氏舉類以况也江東呼為鼯者莊子所謂騏驎騏驎捕鼠

不如狸鼯者是也

鼯鼠

註小鼯鼯也亦名鼯鼯正義說文云鼯精鼯鼠也文選註引李巡云鼯鼯鼠

一名鼯鼠案鼯鼠為鼠之小者故亦有鼯鼠之名然與食牛之鼠為二鼠也

鼯鼠 註未詳

鼯鼠 註山海經說獸云狀如鼯鼠然形則未詳 正義中山經云

人云其鳴如犬也 註山海至未詳。 正義中山經云

倚帝山有獸焉其狀如鼯鼠白耳白喙名曰狙如郭

氏彼註云爾雅說鼠有十三種中有此鼠形所未詳也

鼯鼠 註形大如鼠頭似兔尾有毛青黃色好在田中食

粟豆關西呼為鼯鼠見廣雅音雀 正義詩疏引孫炎

勸學篇云梧鼠五技而窮大戴禮記作鼯鼠五伎而

窮說文云鼯五技鼠也能飛不能過屋能緣不能窮

木能游不能渡谷能穴不能掩身能走不能先人易

疏引蔡邕勸學篇云鼯鼠五能不成一技術所說五

能與說文同 **註** 形大至音雀。 **正義** 鼯鼠通作碩鼠
九家易云碩鼠喻貪翟元云碩鼠晝伏夜行貪猥無
已碩鼠夜出食禾故郊特牲云迎貓爲其食田鼠也
食禾之田鼠爲碩鼠與化鴛之田鼠名同而實異也
詩疏引舍人云詩曰碩鼠碩鼠五技鼠也陸璣疏云
今河東有大鼠能人立交前兩脚於頸上號舞善鳴
食人禾苗人逐則走入樹空中亦有五技或謂之雀
鼠是也鼯者說文云鼯从鼠勺聲廣雅云鼯爵鼠鼯
爵聲相近故郭云音雀諸本誤作鼯鼠復改雀爲鼯
其誤蓋始於沈旋集註而諸家本俱因之陸德明既
定作鼯字以鼯字爲非而復爲鼯
字作音尚疑未能定也今改正

鼯鼠鼯鼠 **註** 皆未詳 **正義** 玉篇云鼯斑毛鼠說文
云鼯豹文鼠也與郭氏異

豹文鼯鼠 **註** 鼠文彩如豹者漢武帝時得此鼠孝廉郎

終軍知之賜絹百匹 **正義** 郭氏以豹文下屬鼯鼠蓋
据終軍豹鼠之說也 **註** 鼠文至

百匹。郭氏爾雅序云：豹鼠既辨，其業亦顯然。說豹鼠者多異詞。玉篇云：鼯鼠，名漢武帝時有此鼠。文如豹，終軍識之，賜絹百匹。與此註同。廣韻引竇氏家傳云：竇攸治爾雅，舉孝廉為郎。世祖與百寮遊於靈臺，得鼠身如豹，文瑩有光輝。羣臣莫有知者，唯攸對曰：此名鼯鼠。事見爾雅。乃賜絹百匹。水經註及文選註引三輔決疑註並載竇攸此事。其以豹文為鼯鼠，則同也。說文以豹文上屬鼯鼠。唐書盧若虛傳云：時有獲異鼠者，豹首虎臆，大如拳，職方辛怡諫謂之鼯鼠。若虛曰：非也。此許慎所謂鼯鼠。豹文而形小，一座盡驚，是豹文之為鼯。為鼯舊亦互存兩說也。

鼯鼠

註

今江東山中有鼯鼠，狀如鼠而大，蒼色在樹木

上音巫覡

正義

此與寓屬之鼯鼠同名，一為獸，一為鼠。有異耳。然鼠屬之鼯在樹木上，則亦寓

屬也

註

今江至巫覡

正義

鼠之在樹木上者，今人

所謂松鼠也。似鼠蒼色而長尾。云音巫覡者，猶云音

巫覡之覡

鼠屬

釋義 說文云鼠穴蟲之總名此別其類也
釋文 引字林云鼯鼠即鼯鼠也郭不從者

名可單舉不必皆為別二名也例見釋魚

牛曰齶

註

食之已久復出嚼之羊曰齶

註

今江東呼齶

為齶麋鹿曰齶

註

江東名咽為齶齶者齶食之所在

依名云鳥曰噤

註

咽中裏食處寓鼠曰噤

註

頰裏貯

食處寓謂獼猴之類寄寓木上

正義

牛曰齶者說文云齶吐而噤也衆經

音義引郭註作食已復出嚼之也羊曰齶者說文云齶羊齶也釋文引埤蒼與說文同張揖云羊食已吐而更嚼之麋鹿曰齶者說文云齶麋鹿齶也釋文引埤蒼云鹿齶也廣韻云吞芻而反出嚼之也鳥曰噤

者釋鳥云亢鳥隴其振索是隴隴索皆羊麋鹿與鳥之振因即其受振之處名為隴為索也寓鼠曰賺者說文云賺口有所銜也今寄居木上之鼠竊果而食故謂之賺矣

齧屬

正義此因麋鹿曰齧并及於牛羊鳥鼠故總題齧屬皆謂咽中藏食復出嚼之也郭

氏因寓鼠而兼釋上文寓屬之義也

獸曰鬻

正義

自奮迅動作人曰橋**正義**頻伸天橋魚曰須**正義**

鼓頤須息鳥曰昊

正義

張兩翅皆氣體所須

正義獸曰鬻者獸欲

舒其氣體則自奮迅故謂之鬻宋本郭註無動作二字諸本有之人曰揉者說文云橋舉也曲禮云君子欠伸孔疏以為體疲則伸也趙岐孟子註云折枝按摩折手節解罷枝是氣體所須之類也魚曰須者魚值淺水輒自鼓其鬻鬻有所須也鳥曰昊者張拍其翅論語云三嗅而作皇侃義疏引虞喜說云子路見

雉在山梁因設食物以張之雉性明傲知其非常三
嗅而作去不食其供也盧喜所說與爾雅合也嗅與
通 昊

須屬

正義此因躡動而連及之皆
為氣體所須故總題須屬

爾雅正義卷第二十

文淵閣校理翰林院編修加二級教習庶吉士堯國史館纂修官邵晉涵撰集

釋畜第十九

正義

畜為獸之畜於家者周禮疏云

案爾雅在野曰獸在家曰畜据此兩

篇分釋而言古者畜亦稱為獸鄭註天官獸醫

云獸牛馬之類祭義云古者天子諸侯必有養

獸之官犧牲祭牲必於是取之是散文相通也

對文則獸畜異陸德明云釋獸釋畜二篇俱釋

獸而異其名者畜是畜養之名獸是毛蟲總號

故釋畜唯論馬牛羊雞犬釋獸通說百獸之名

案天官庖人辨六畜之物鄭註云六畜六牲

也始養之曰畜將用之曰牲春官小宗伯毛六

牲而頒之於五官使共奉之鄭司農謂司徒主

牛宗伯主雞司馬主馬及羊司寇主犬司空主

豕夏官職方氏謂之六擾以其可擾習也馬屬

及於駒騄野馬牛屬及於摩牛犂牛者服牛乘

馬所以引重致遠故有取於遠方駿異之產太
宰九貢之法所謂物貢也畜說文作𩇑云𩇑也
釋文云畜本又作𩇑
音同字林云𩇑產也

駒駮馬

註

山海經云北海有獸狀如馬名駒駮色青

正義

逸周書王會篇云禺氏駒駮說文云駒駮北野之良
馬也釋文引瑞應圖云幽隱之獸也有明王在位卽
至案駒駮自爲良馬故周成王時以爲貢漢有駒駮
厩亦取義於良馬不必如瑞應圖所言也
色青○**正義**海外北經文郭氏以爲其色青也又郭
氏圖讚云駒駮野駮產自北域交頸相摩分背翹陸
雖有孫陽終不在服
此言駒駮之難致耳

野馬

註

如馬而小出塞外

正義

馬屬自有名野馬者非
以野馬釋駒駮也釋文謂駒

駮一曰野馬淮南主術訓云騎駮而服駒駮高誘註
亦云駒駮野馬也案逸周書載伊尹朝獻商書正北

請令以橐駝白玉野馬駒駮駮駮駮良弓為獻並舉野馬駒駮不以為一物也子虛賦駮野馬而轉駒駮亦分舉為二矣註如馬至塞外正義穆天子傳云野馬日走五百里郭氏以為似馬而小也云出塞外者後漢書鮮卑傳禽獸之異者有野馬

駮如馬倨牙食虎豹

註

山海經云有獸名駮如白馬黑

尾倨牙音如鼓食虎豹

正義

駮似馬之獸謂之駮馬說卦傳云乾為駮馬王虞云

駮馬能食虎豹取其至健也孔疏云鋸牙如鋸能食虎豹蓋由其剛堅外著負力至健故易取象焉衆經音義引舍人云駮多力獸是也又謂之茲白王會篇云茲白一名駮秦風隰有六駮毛傳引爾雅此文為釋据陸璣疏則別有樹名駮非爾雅所云駮也註山海至虎豹正義海外北經云北海有獸焉其名曰駮狀如白馬鋸牙食虎豹郭氏彼註以此說及王會

篇與爾雅同也又西山經云中曲山有獸如馬而身黑二尾一角虎牙爪音如鼓音其名曰駮是食虎豹可以禦兵郭氏彼註謂爾雅說駮不道有角及虎爪是郭氏以海外北經所說為爾雅之駮也此註又兼兩說而參合之張揖子虛賦註云駮如馬白身黑尾一角鋸牙食虎豹與此註意同

駮蹄躡善陞甌註甌山形似甌上大下小駮蹄躡如躡

而健上山秦時有駮蹄苑正義此釋昆蹄之狀及其所善也釋文引舍人云駮

蹄者涵蹄也研平也謂蹄平正善陞甌者能登山廉也一云甌者阪也言駮善登高歷險上下於阪李巡

云駮者其蹄正堅而平似研也顧野王曰山嶺曰甌孫炎同註甌山至蹄苑正義釋山云重甌廉郭註

云甌甌也山形似之詳見釋山躡者說文云躡獸足企也郭云蹄似躡者以躡與研聲同本或作研故以

為蹄平之證也秦有駮蹄苑者漢有昆蹄甌本於秦制百官公卿表有昆蹄令丞顏師古註云昆獸名也

蹄研者謂其蹄下平也善陞馱者謂山形如甌而能升之也案師古以昆為獸名非也應劭以昆蹄為好馬名是矣

騏駼枝蹄趺善陞馱

註

騏駼亦似馬而牛蹄正義騏駼

蹄異耳釋文引李巡云騏駼其迹枝平似趺亦能登高歷危險也孫炎云騏駼之馬枝蹄如牛而下平皆以騏駼為馬名也釋文又引舍人云騏駼外國之名枝蹄者枝足也與李孫異義註騏駼至牛蹄正義騏駼似馬故西京賦云蠟重蠟註騏駼薛綜註云山之上大下小者曰蠟昆駼如馬枝蹄善登高

小領盜驪註穆天子傳曰天子之駿盜驪綠耳又日右

報盜驪盜驪千里馬

正義小領細頸也駿馬細頸者名盜驪史記秦本紀作溫驪徐

廣云溫一作盜索隱引劉伯莊音義云盜驪盜竊也竊淺青色註穆天至里馬正義穆天子傳云天子

之駿赤驥盜驪白義踰輪山子渠黃驊騮綠耳郭註
 云盜驪者為馬細頸驪黑色也綠耳者紀年曰北唐
 之君來見以一驪馬是生綠耳魏時西卑獻千里馬
 白色而兩耳黃因名之黃耳即此類也傳又曰次車
 之乘右服渠黃而左踰輪右驂盜驪而左山子
 是郭氏所引也列子周穆王篇作左驂盜驪

絕有力駮

註

即馬高八尺

正義

馬之絕有力者名駮玉

云戎大也馬之高大者為駮其力亦
 殊於凡馬矣下文云馬八尺為駮

膝

上皆白

惟馬四骹皆白

註

骹膝下也四蹄皆白前

註

俗呼為踏雪馬前足皆白騃後足皆白狗前右足

白啟

註

左傳曰啟服左白蹄

註

前左脚白後右足白

驥左白馬

註

後左脚白易曰震為馬足

正義

馬之白色在膝與足

者此釋其名也。膝上至白駘。膝以上皆白者謂之惟髡膝以下皆白者謂之駘。詩疏引郭氏云膝上皆白為惟髡。左脚白者直名髡。蓋郭氏音義之文也。駘者釋文引字書云駘脰也。脰在膝下也。四蹄皆白前。躡蹄也。四蹄皆白者謂之前諸本訛作首案玉篇云駘四蹄白。廣韻云駘四蹄皆白也。是爾雅舊本作前後人增加馬字作駘。又因字形相涉前誤為首也。今改正。前足至白狗。前兩足白者謂之駘。後兩足白者謂之狗。釋文引舍人本駘作雞狗作狗。蓋假於他畜以為名也。其連稱駘者說文以為野馬。後世以為駿馬之名。前右至白蹄。前右足白者謂之啟。啟者開也。前左足白者謂之蹄。蹄與倚通。後右至白馬。詩疏引樊光云後右足白曰驥。左足白曰馬。小雅小戎云駕我騏驎。說文云馬後左足白也。啟蹄驥馬又兼其才能言之。驥為騰驥有俯仰之勢。馬為絆足狀其行步遲也。俗呼至雪馬。踏雪馬狀其四蹄之白也。亦謂之連錢馬。此因爾雅名為前故聲轉作連錢矣。左傳曰啟服。正義

昭二十九年傳云衛侯來獻其乘馬曰啟服杜預註啟服馬名。易曰至馬足。正義說卦傳文虞翻云

馬白後左足為馬震為左為足初陽為白也

駢馬白腹駢駢赤色黑鬣驪馬白跨驕驪黑色跨

駢間白州驪州竅尾本白驪尾株白尾白駢

但尾毛白駒頹白顛戴星馬也白逢素縣素鼻

莖也俗所謂漫醢徹齒面頹皆白惟駢頹額

分色者白毛各有所在因別其名也。駢馬白腹駒

○駢者詩疏引孫炎云駢赤色也史記索隱引郭氏云今名馬驃赤者為棗駢駢馬赤也赤馬而白腹者謂之驃檀弓云周人戎事乘驃故大雅大明云駢驃

彭彭毛傳云駢馬白腹曰驃言上周下殷也周尚赤居上殷尚白居下孔疏謂戰為二代革易故見此義

因武王所乘遂爲一代常法是我事皆乘駮也駮馬則爲天子四時之駕月令夏駕赤駮中央駕黃駮黃駮爲馬赤而黃者周以赤爲尚故中央亦取駮馬也後世塞外之駿馬亦謂之駮馬淮南主術訓云騎駮馬鹽鐵論云驪駮馬盡爲我畜高誘云黃馬白腹曰駮是駮馬雖兼有黃色其爲白腹則同。驪馬白跨騎。說文云驪馬深黑色又云駮驪馬白跨也詩曰有駮有驪說文引詩魯頌駮篇文也毛傳用爾雅疏引孫炎云驪黑色白跨股脚白也。白州驪。說文云驪白州馬也舊疏云馬之白尻者名驪也。尾本白驪。尾之根株白者名驪本卽株也。尾白驪。馬雜色而其尾白者名驪亦謂之驪說文所謂白髦尾也。駮額白顛。釋言云顛頂也說文云駮馬白額也說卦傳震爲的顛虞翻云的白顛額也震體顛在口上白故的顛秦風車鄰云有馬白顛。白達素縣。馬之鼻莖白者名曰達亦謂之素縣因其狀以名之也。而顛皆白惟駮。馬雜色而與顛俱白者惟駮說卦傳震爲駮虞翻云駮蒼色震東方故

為駮地官牧人云駮事用龙秋官犬人云凡幾珥沈
 辜用駮可也先鄭云駮謂不純色也是駮惟面額俱
 白而其色不純古者刑馬以祭蓋用之矣駮赤色
 黑鬣正義秦風小戎云駮駮是中鄭箋赤身黑鬣
 曰駮郭註本鄭箋孔穎達云今人猶謂此為駮馬也
 駮通作駮說文云駮赤馬黑毛尾。跨髀間。正義
 詩釋文引倉頡篇云跨兩股間也孔穎達云跨者所
 跨據之處謂髀間也。戴星馬也。正義詩疏引舍
 人云昞白也額額也額有白毛今之戴星馬也郭註
 本舍人駮舍人本作昞。俗所至徹齒。正義此引
 俗語相馬法以為證也釋文云髓字書作顛謂額額
 也案今時相馬者以龙顛突目者能迅走鼻紋有字
 者壽初學記引相馬經伯樂云
 鼻孔欲得大鼻頭有王火字

回毛在膺宜乘

註

樊光云俗呼之官府馬伯樂相馬法

旋毛在腹下如乳者千里馬在肘後減陽在幹第方

註幹脅在背闕廣**註**皆別旋毛所在之名正義回毛旋毛也旋

毛所在可別馬之良駑此釋其名也腹下有旋毛者名宜乘因其質以為名也旋毛在肘後者名減陽旋

毛在脅者名弗方旋毛在背者名闕廣正義樊光至里馬正義俗呼之官府馬樊氏據當時語也隋志有

伯樂相馬經今佚說文云驥千里馬也孫陽所相者繫傳云孫陽即伯樂也文選註引相馬經云目成人

者行千里註云兩目中央旋毛為鏡今人相馬者多取驗於旋毛以在腹下者為罕觀又療馬者亦視其

旋毛如以乘燈為旋毛之善騰蛇為旋毛之惡是也

逆毛居駮正義馬毛逆刺云駮馬逆毛也今馬領上有逆

毛如刺者人以為不祥羸亦然

駮牝驪牡註詩云駮牝三千馬七尺以上為駮見周禮

𠂔駒褭驂

𠂔駒小馬別名褭驂耳或曰此即騃褭

古之良馬名

正義鄭註夏官廋人引爾雅曰騃驂驪

色壯則元色兼有駒褭驂又鄭註檀弓亦引爾雅云

騃驂驪壯元是鄭讀爾雅以元字上屬也郭不從者

以說文引詩曰騃驂驪壯許氏以爾雅此文所以釋

詩故省文稱詩猶書傳所以釋書即稱為書也許氏

以壯字斷句郭氏讀依說文也羅願云釋獸蓋言以

騃為壯以驪為壯而生元駒則謂褭驂也郭意或當

然**詩**云至周禮**正義**詩鄘風定之方中文賈公

彥云詩直言壯不言壯爾雅之意以詩人美衛文公

直壯有三千其實兼有壯郭云見周禮者夏官廋人

云七尺以上為騃六尺以上為馬釋文云孫炎計改

上騃壯為壯與郭異。元駒至馬名。**正義**郭以元

駒為小馬意以為即今駒也淮南修務訓云馬之為

草駒之時跳躍揚蹏翹尾而走人不能制高誘註云

馬五尺以下為駒放在草中故曰草駒褭驂其別名

也又引或曰此即騾裏古之良馬名考呂氏春秋離俗覽云飛兔要裏古之騾馬也史記集解引郭璞云騾裏神馬漢書註引張揖云騾裏馬金喙赤色初學記引漢書音義云騾裏者神馬也赤豕黑身

牡曰騾

註今江東呼駃馬為騾牝曰騾草馬名**正義**此別

馬牝牡之名也說文云騾牡馬也騾牝馬也騾當從說文作騾騾今江至為騾騾**正義**騾馬釋文本作父馬江東呼為父馬者猶說文以雄為鳥父也草馬名**正義**草馬即牝馬今俗語猶然匡繆正俗云問牝馬謂之草馬何也答曰本以牡馬壯健堪駕乘及軍戎者皆伏皂櫪芻而養之其牝馬唯充蕃字不服役常牧於草故稱草馬草之得名主於草澤矣

騾白駃黃白騾**註**詩曰騾駃其馬騾馬黃脊騾驪馬黃

脊騾**註**皆背脊毛黃青騾驪騾今之鐵驄青騾驪驪

色有深淺斑駁隱糶今之連錢驄青驪繁鬣駉

禮記曰周人黃馬繁鬣繁鬣兩被毛或云美髦鬣驪

白雜毛馵註今之烏驄黃白雜毛馵註今之桃華馬

陰白雜毛駟註陰淺黑今之泥驄蒼白雜毛駟註即

今騅馬也詩曰有騅有駟形白雜毛駟註即今之赭

白馬形赤白馬黑鬣駟註禮記曰夏后氏駟馬黑鬣

白馬黑唇駟黑喙駟註今之淺黃色者為駟馬一曰

白駒二目白魚註似魚目也詩曰有驪有魚註義馬

不純者此別其異名也○驪白駟黃白驪○馬毛有赤有白者名駟有黃有白者名驪驪本作皇詩疏引

舍人云駟赤色名曰駟也黃白色雜名皇也案說文
云駟色不純也古者宗廟齊毫以純色爲尚故淮南
說林訓云駟駟不入牲高誘註犧牲以純色也而
頌駟篇首言有駟有皇者以皇駟性馴良宜於乘也
蓋本兩白字俱訛作曰今從石經及宋本改正○駟
馬至脊駟○此別駟駟黃脊之異名也赤馬而脊毛
黃者名駟黑馬而脊毛黃者名駟說文作駟駟馬共
脊又云駟馬豪駟也魯頌云有駟有魚毛傳駟馬豪
駟者駟駟聲近義通○青駟駟○說文云駟青駟馬
詩曰駟彼乘駟說文所引魯頌有駟文也詩疏引舍
人云青駟馬今名駟馬也孫炎云色青黑之間○青
駟駟○馬之青黑色而有斑文者名駟魯頌駟云
有駟有駟毛傳云青駟駟曰駟說文云駟青駟白麟
文如鼉魚釋文引韓詩及字林俱云白馬黑鬣也案
白馬黑鬣自爲駟非駟也○青駟繁鬣駟○馬青黑
而鬣繁多者名駟檀弓云夏后氏戎事乘駟孔穎達
云三代俱以鬣爲所尚案此云繁鬣而不言其色則
其鬣亦青駟夏后氏戎事所乘也○駟白雜毛鴉○

馬毛黑白而復有雜毛者名馮鄭風太叔于田云乘
 乘馮毛傳驪白雜毛曰馮是馮為田馬也○黃白雜
 毛馮○馬毛黃白而復有雜毛者名馮魯頌駟云有
 駟有馮毛傳黃白雜毛曰馮此馬有雜毛所由異於
 黃白色之驪也說文以馮為黃馬白毛與雅義異○
 陰白雜毛駟○馬毛陰白而復有雜毛者名駟陰為
 淺黑色也小雅四牡云我馬維駟駟為乘車之馬也
 說文云駟馬陰白雜毛也詩疏引樊光云駟者目下
 白也○蒼白雜毛駟○馬毛蒼白而復有雜毛者名
 駟說文作蒼黑雜毛繫傳以為蘆駟色是即後世所
 謂烏駟也毛傳云蒼白雜毛曰駟與爾雅同○彤白
 雜毛駟○馬毛赤白而復有雜毛者名駟魯頌駟云
 有駟有駟毛傳彤白雜毛曰駟說文云駟馬赤白雜
 毛謂色似鰕魚也文選註引劉芳毛詩義證云彤白
 雜毛曰駟非也○白馬黑鬣駟○白馬而黑鬣者名
 駟小雅四牡云我馬維駟月令言天子四時之駕秋
 駕白駟鄭康成高誘竝以駟為白馬黑鬣也說文云
 駟馬白色黑鬣尾也則兼其尾言之廣雅又以為白

馬朱鬣曰駱。白馬黑唇駱黑喙駱。白馬而唇黑者名駱。釋文引孫炎本作倅云與牛同稱也。白馬而黑口者名駟。秦風小戎云駟驪是驂。一目白。二目白。魚。詩疏引舍人云一目白。二目白。魚。說文。駟作駟。繫傳以爲今馬環目也。駟者釋文引倉頡篇云目病也。江湖之間曰駟。說文云戴目也。相馬者馬目欲得黃。又欲光。而有紫豔。若目小。多白。則驚畏。驚畏馬之病也。詩曰至其馬。郭註本孫炎詩。炎曰詩曰皇駟其馬。幽風東山文也。郭註本孫炎詩。疏又引樊光引乾爲駟馬。案宋衷說卦傳註云天有五行之色。故爲駟馬。郭意以此言黃白色爲駟。不兼言五色。故不引。今之鐵驄。說文云駟馬赤黑色。驄馬青白雜毛也。此云鐵驄。則爲毛色之青而黑者。月令言四時之駕。冬駕鐵驄。蓋有取乎此。色有至錢驄。詩疏引孫炎云色有淺深。似魚鱗也。郭氏本孫炎爲義。連錢驄與連錢馬異。青黑色有文者爲連錢驄。四蹄皆白者直名連錢馬。禮記至鬣鬣。正義郭引禮記明堂位文釋文云鬣鬣也。又

引舍人云鬣馬鬣也。○今之烏驄。○**正義**詩疏引郭註作今呼之為烏驄與今本字句微異。○今之桃華

馬。○**正義**郭註穆天子傳云驊騮色如華而赤桃華馬是其類也。○陰淺至泥驄。○**正義**詩疏引舍人云

今之泥驄也。孫炎云陰淺黑也。郭氏合而釋之。○卽今至有駮。○**正義**史記正義引顧野王云驄青白色

也。顏師古漢書註云驄馬以色為名也。詩魯頌駟文監本脫卽今驄馬也。五字今據詩疏所引郭註增補

○卽今至形赤。○**正義**文選註引劉芳毛詩證云形赤也。卽赭白也。監本形白訛作形白。今據宋本改正

○今之至駟馬。○**正義**說文云駟黃馬黑喙毛傳與說文同。郭以為淺黃色則與白色相近也。○似魚至

有魚。○**正義**釋文云魚字書作鱣字。林有魚。○**正義**釋文云魚字書作鱣字。林作鱣。詩魯頌駟文毛傳云二目白日魚

既差我馬差擇也。宗廟齊毫**註**尚純戎事齊力**註**尚強

田獵齊足**註**尚疾**正義**此引小雅吉日之文而釋之也。釋詁云差擇也。宗廟齊毫者李

巡云祭於宗廟當加謹敬取其同色也戎事齊力者
某氏云戎事謂兵革戰伐之事當齊其力以載干戈
之屬田獵齊足者舍人云田獵取牲於園囿之中追
飛逐走取其疾而已李巡某氏舍人註俱見詩疏
尚純至尚疾。正義毛傳云宗廟齊豪尚純也戎事
齊力尚強也田獵齊足尚疾也郭註本毛傳為義也
孔疏云齊其毫毛尚純色齊其馬
力尚強壯齊其馬足尚迅疾也

馬屬

正義題上事也淮南地形訓云天一地二
人三三三而九八九七十二主偶偶以承

奇奇主辰辰主月月主馬故馬十二月而生
說文云馬怒也武也白虎通義云大司馬主
兵不言兵言馬者馬陽物乾之所為行兵用
馬不以傷害為名故言馬也夏官馬質馬量
三物一曰戎馬二曰田馬三日駑馬校人辨
六馬之物種馬一物戎馬一物齊馬一物道
馬一物田馬一物駑馬一物此篇所釋駒駉
裹駉之屬皆種馬也馬駟之屬皆戎馬也駉

駱之屬皆齊馬以其色之齊也騏蹄駉駉之屬皆道馬也皇馮白顛之屬皆田馬也駟魚之屬皆駑馬也

摩牛註

出巴中重千斤

正義摩牛今之野牛也大者重千斤出西寧府西寧衛

至千斤。**正義**或以摩牛為即犍牛郭氏據時驗分為二荀子云單足以喻則單不必其為釋二名也

犍牛註

即犍牛也領上肉犍映起高二尺許狀如橐駝

肉鞍一邊健行者日三百餘里今交州合浦徐聞縣

出此牛

正義犍牛即封牛後漢書順帝紀云疏勒國獻封牛註引東觀記云封牛其領上肉墳起

若封然因以名之即今之峯牛郭註上林賦云犍牛領有肉堆顏師古以為即犍牛也

正義狀如橐駝者郭註山海經云橐駝有肉鞍善行流沙中日行三百里負千斤知水泉所在此牛狀似

之也元和郡縣志云海康縣多牛項上有骨大如覆斗日行三百里爾雅所謂犍牛也晉交州合浦郡徐

閩縣今廣東雷州府海康縣

犍牛

犍牛庫小今之犍牛也又呼果下牛出廣州高

涼郡

涼郡正義犍牛即每牛也逸周書王會篇云數楚每牛每牛者牛之小者也犍每聲之轉正義犍牛至

涼郡

涼郡正義廣韻以犍為牛名即犍牛之別名也又呼果下牛者以其庫小可行果樹下也晉廣州高涼郡今為廣東高州府桂海虞衡志有果下馬最高不踰三尺是果下牛之類也

犍牛

即犍牛也如牛而大肉數千斤出蜀中山海經

日岷山多犍牛

正義犍為獸之似牛者因其大以為名也釋文引字林云黑色而大重三

千斤

即犍至犍牛正義郭氏据當時目驗也中山經云岷山其歌多犀象犍牛郭氏彼註云今蜀山

中有大牛重數千斤名為犍牛晉太興元年此牛出上庸郡人弩射殺之得十擔肉即爾雅犍牛是也

犍牛

註旄牛也髀膝尾皆有長毛

正義釋文引字林云犍牛名也本或作鬣

字此牛多毛鬣案犍牛即旄牛釋器云旄謂之龍即此牛之尾也鄭註春官旄人云旄旄牛尾舞者所持

以指麾張揖上林賦註云旄牛狀如牛而四節毛顏師古以為即今之偏牛也莊子謂之夔牛逍遙遊云

夔牛大若垂天之雲能為大矣而不能執鼠司馬彪謂即旄牛也

註旄牛至長毛○**正義**北山經云潘侯之山有獸焉其狀如牛而四節生毛名曰旄牛郭氏

彼註云今旄牛背膝及胡尾皆有長毛是也後漢書西南夷傳云旄牛無角一名童牛肉重千斤毛可為

毼太平寰宇記云旄牛無角一日童牛重千斤以旄牛為即童牛案釋名云牛羊之無角者曰童是旄牛非童牛也

犗牛

註今無角牛

正義大畜九四云童牛之牯侯果云童牛無角之牛也犗為隸體增加字

釋文引字林云犗牛名今無角牛
正義監本脫今字今從宋本增

犗牛証未詳

角一俯一仰証牛角低仰皆踊翬証今豎角牛釋文

引樊光云傾角曰翬說文云翬角一俛一仰也翬一角仰也易曰其牛翬案今本睽六三爻詞作其牛掣易釋文引鄭康成本作掣云牛角皆踊曰掣子夏作契荀爽作翬虞翻云牛角一低一仰故稱掣字林云

一角低
一角仰

黑脣犗証毛詩傳曰黃牛黑脣此宜通謂黑脣牛黑背

轴証眼背黑黑耳犗黑腹牧黑脚捲証皆別牛黑所

在之名正義牛以黑為尚猶馬以白為尚此別黑色所在之名也脣黑者名犗詩疏引某氏云黃

牛黑脣曰特背黑者名袖說文云背目匡也耳黑者名羴腹黑者名牧脚黑者名捲玉篇以捲為牛耳黑疑所見本異也註毛詩至脣牛正義小雅無羊云九十其特毛傳黃牛黑脣曰特疏云傳言黃牛者以言黑脣明不與深色同而牛之黃者衆故知是黃牛也

其子犢

註

今青州呼犢為狗

正義

說文云犢牛子也月令季春之月犧牲駒犢與

書其數

正義

孔疏云小馬之駒小牛之犢

註

今青至為物

夔牛之子也較今本增多一句夔字蓋衍文也釋文引字林以狗為牛鳴

體長犝

註

長身者

正義

犝疑當作犝說文云犝二歲牛犝三歲牛犝四歲牛蓋牛子初生為

犝二歲牛體漸長名之為犝長犝如長幼之長郭云長身者則犝如長短之長

絕有力欣

正義

玉篇云犝牛有力廣韻云犝牛絕有力欣字疑衍文

牛屬

正義題上事也說文云牛大牲也又云牛為物大此篇先言摩牛犛牛皆牛之大者

也賈誼書胎教篇云牛者中央之牲也鄭註周禮云牛屬司徒土也牛能任載地之類故

為土土色黃故牛類多黃此篇別牛黑所在就黃牛而別之也

羊牡羴

註

謂吳羊白羴牝羊**註**詩曰羴羊墳首

正義羊之白毛

者其牡名羴其牝名羴說文云羴羴羊也羴牡羊也許氏以白羊統名羴羊故以羴為羴羊也莊子徐無鬼篇云未嘗為牧而羴生於輿釋文云西南隅未地是則以羊配未由來舊矣古者以羴羊之裘為惡衣墨子兼愛篇云晉文公好士之惡衣故文公之臣皆羴羊之裘**註**謂吳羊白羴**正義**廣雅云吳羊牡一歲曰牡羴三歲曰羴其牝一歲曰特羴三歲曰羴郭氏取廣雅之義故云吳羊白羴也然羴又黑白羊之通名說文云羴牡羊也易言羴羊觸藩詩言取羴以輒墨翟書言羴羊視皆通言也監本作白羴今從宋

本。詩曰至墳首。正義小雅茗之華文毛傳牂羊
牝羊也墳大也牂羊墳首言無是道也孔疏云牝小
羊也首必稱身小羊而羊首必無是道理也

夏羊 註黑殺羝牡羴 註黑羝也歸藏曰兩壺兩羴牝殺

註今人便以牂殺為白黑羊名 正義說文云夏羊牡

之黑毛者也古者黑羔裘通於上下天官司裘掌為
大裘以共王祀天之服鄭司農云大裘黑羔裘服以

祀天示質孔穎達云五冕之裘亦同黑羔裘其諸侯
視朝及卿大夫等同用黑羔裘玉藻云羔裘緇衣以

緜之又鄭註論語云緇衣羔裘諸侯視朝之服是也
羴為牡羊列子天瑞篇云老羴之為猿張湛註以為

牝羊非也殺為牝羊而有角今治疾者用之而詩云
俾出童殺則殺有無角者矣百里奚衣五羊之皮以

入秦後遂號五殺大夫殺又為賤者所服也 註黑羝
至兩羴。正義郭言黑羝明其與吳羊之牝者同為

瓶也歸藏曰兩壺兩踰者舊疏引歸藏齊母經云瞿有瞿有觚宵梁為酒尊於兩壺兩踰飲之三日然後蘇士有澤我取其魚繇辭協於古音郭氏節取以為證也

角不齊觥

註

一短一長角三脊羴

註 齊角三匝 **正義** 春秋繁露

執贄篇羔有角而不任設備而不用類好仁者此釋羊角之有異者也說文云觥羊角不齊也脊曲角也

繫傳引爾雅舊註云脊卷也角卷三匝者名羴

羴羊黃腹

註

腹下黃

正義 羊之腹下黃色者名羴羊後世所謂黃羊也狀如羊而痺小細

筋纖耳角似羴羊生野草間而善羣又有尾黑者有尾似麀鹿者有黑脊斑文者皆其別種也

未成羊羴

註

俗呼五月羔為羴

正義 羊新生而未成羊者名羴小雅伐木云既

有肥羴說文云羴五月生羔也羴六月生羔也羔為羊子故以為未成羊後漢書註引韓詩章句云小者

曰羔大者曰羊是也春秋繁露云羔食於其母必跪而受之類知禮者詩疏引薛綜答韋昭云羊子初生

曰達小名羔未成羊曰羴長幼之異名

絕有力奮

正義羊之絕有力者曰奮與雉及雞同名

羊屬

正義題上事也說卦傳云兌為羊又夏官之屬有羊人賈疏引易說云太山失金雞

西嶽亡玉羊玉羊者西嶽之精而羊不在西方者羊有二義五行傳云視之不明則有羊

既註云羊畜之遠視者屬視故列於夏官兌為羊又屬西方也案賈公彥所引易說今見

易緯是類謀註云金雞玉羊二岳之精也鄭司農云羊屬司馬火也火為視羊亦視故屬

火後鄭少牢饋食禮註引尚書傳亦云羊屬火而賈誼書云羊者西方之牲也是漢儒說

羊並兼二義

犬生三獫二師一獫此與豬生子義同名亦相出入

正義此別犬生子多寡之名也說文云犬狗之有縣

號者也玉篇云獫犬生三子也獫犬生一子也師廣

韻作獅云犬生二子也犬二子名師與豕生二子者

同名郭註釋獸云猪生子常多故別其少者之名犬

與豕同矣獫與縱同鄭註大

司馬引爾雅曰豕生三曰獫

未成毫狗狗子未生韃毛者**正義**犬子生而長毛未

而言之狗犬通名若分而言之則大者為犬小者為

狗苟月令皆為犬而周禮有犬人職無狗人職也故

爾雅曰未成毫狗是也但燕

禮烹狗或是小者或通語耳

長喙獫短喙獨獫詩曰載獫獨獫**正義**詩疏引李巡

之名也說文云獫長喙犬獨獫短喙犬也爾雅曰短

喙犬謂之獨獫案說文所引爾雅增成其義以曉人

也詩曰至獨獠。正義秦風駟鐵文今本作歇驕
毛傳云獠歇驕田犬也鄭箋云載始也始田犬者謂

達其搏噬
始成之也

絕有力狽正義犬之絕有力者名狽
狽與葵聲相近即葵也

龙狗也註詩曰無使龙也吠正義詩疏引李巡云羸一
者厯性善吠故說文以為狗叩氣吠以守也註詩曰

至也吠。正義召南野有死麇文毛傳云龙狗也非
禮相陵則狗吠孔疏云

主不迎客則有狗吠

狗屬正義題上事也說卦傳云艮為狗九家易
云艮止主守禦也艮數三七九六十三三

主斗斗為犬故犬懷胎三月而生斗運行十
三時日出故犬十三日而開目斗誦故犬卧

出也斗運行四市犬亦夜繞室也火之精畏
水不敢飲但舌舐水耳犬鬪以水灌之則解

也才近奎星故犬淫當路不避人者也周禮疏云犬有三種一曰田犬二曰吠犬三日食犬此篇所釋獠獨獠田犬也厖吠犬也雞豚狗彘之畜無失其時狗為食犬也

雞大者蜀

註

今蜀雞蜀子雞

註

雞子名

正義

說文云雞知時畜也雞之

大者名蜀以其異於常雞也莊子謂之魯雞庚桑楚篇云魯雞固能矣向秀云魯雞大雞今蜀雞也蜀雞之子名雉方言云雞雛徐魯之間謂之翟子皆方俗之異名也

未成雞健

註

江東呼雞少者曰健

正義

淮南時則訓云大寒之日雞如乳雞

之乳古以紀候焉雛甫離乳而未成雞謂之健江東至日健。**正義**玉篇云江東呼畜雙產者謂之健蓋俗語以畜始生為健也

絕有力奮

註

諸物有氣力多者無不健自奮迅故皆以

名云

正義 雞之絕有力者名奮雞與雉同類
相同羊亦名奮則因其氣之健自奮迅

雞屬

正義 題上事也說卦傳云巽為雞九家易
云應八風也風應節而變變不失時雞時

至而鳴與風相應也二九十八主風精為雞
故雞十八日剖而成雛二九順陽數故雞知

時而鳴也此篇釋雞類之
大者及其子之異名

馬八尺為駮

註 周禮曰馬八尺已上為駮
正義 駮即馬之絕有力者

後漢書註引爾雅作馬八尺為龍月令云駕蒼龍是
也**註** 周禮至為駮。**正義** 夏官廋人云馬八尺以上

為龍郭氏引作為駮聲
近義通或所見木異也

牛七尺為犝

註 詩曰九十其犝亦見尸子
正義 六畜長短之量以次

而減牛七尺者曰犝即牛屬之黑脣犝也
至尸子。**正義** 詩小雅無羊文尸子無考下同

羊六尺為羝註尸子曰大羊為羝六尺正義羊高六尺者曰羝山海經

云錢來山有獸焉其狀如羊而馬尾名曰羝羊郭氏彼註云今月氏國有大羊如驢而馬尾案今黃羊有

極高大者爾雅所釋不必為似驢之羊故郭氏亦不引為證也

羝五尺為狔註尸子曰大豕為狔五尺今漁陽呼豬大

者為狔正義羝高五尺曰狔小爾雅云豕之大者謂之狔狔玉篇作狔章多切豕高五尺釋文作

狔於革反大豕也

狗四尺為獒註公羊傳曰靈公正義狗謂之獒也尚書

孔氏傳曰犬高四尺曰獒即此正義曰獒說文云獒知

人心可使者左氏宣二年傳云正義公羊宣六年傳云

獒猛犬也註公羊至此義正義公羊宣六年傳云

靈公有周狗謂之葵
 所指如意郭氏引作
 郭又引孔氏傳者東
 底貢厥葵孔傳云犬高四尺
 尚書旅葵云西旅
 郭氏引以為證也

雞三尺為鶉

註

陽溝巨鶉古之

雞

正義

雞高三尺者

傳云鶉雞即鴟雞也楚詞九類云昆雞明晰而悲鳴
 漢書註引張揖云昆雞似鶴
 揖云鶉雞黃白色長頸赤喙
 也淮南覽冥訓云軼鶉雞於姑餘高誘謂鶉雞鳳凰
 之屬非
 郭義也

六畜

正義

唐石經及宋本俱篇末總題六畜監

羊豕犬雞之下題曰六畜是
 孔穎達所見本有之今據補

爾雅正義卷二十